



石倉十二代詩選 四集卷之六十

崇谿集

大明

崇陽汪宗凱著

後學曹學佺閱

河當薊北吟 天衢且奮

客且坐胡床聽歌薊北章家本富甲胄出身事

漢皇大父名驃騎纍纍印綬長從此貂蟬蔭今

復備戎行始隨霍驃馳轉戰向河陽後逐李輕

車追虜出朔方三陝及幽并無地不翱翔嚴秋

角弓勁旌旆閃胡霜出騎紫驕馬從禽燒野荒

歷代詩選
羽林少年兒執矢列我傍一發巧中肋歡聲溢
林岡幾向雲中道人驚天上郎時事一朝異孤
憤自堪傷少小辭家去窮老歸舊疆賈勇刈蓬
蒿倚杖牧牛羊徒結千年恨空負身昂藏卽將
卧雲松寧復顧稻梁弃席思君幄疲馬戀故鄉
何當逢一顧天衢且奮揚

別陳二

少小一相見握手彭門間追歡不言疲中道乖
離還長安忽聚樂迅別增苦顏泠泠別絃鳴車

馬去閒閒躡危迹易乖速駕難久攀雞鳴發京
邑飛雪滿燕關落木滯殘雲荒烟澹遠山須臾
在今夕綠水奏潺湲

省中秋夜

虛齋誰與晤獨坐秋景夕鶴舞風生竹螢飛月
映壁素心已澹泊涼意轉閒寂不寐聞天籟勞
生徒役役

復如荊州發崇陽

昧爽辭雋里載言適荆湘僕夫夙命駕鳴鸞導

余傷玄景薄陰霾積雪飄衣裳草木黃已落星
旃載南翔昔行舞春服今者結嚴霜嚴霜凝素
雪行子欲徬徨况復踰峻嶺中心悲以傷悲傷
將何念所戒在垂堂駢駢振遐軌蹇蹇越故疆
歲暮仍行役拊劔何慨慷

浮溪

泛舟經漢口正值楚江平夕望烟村藹朝聞沙
鳥鳴于役已彌歲深春復此行鄉郊忽千里流
目海雲生

碧水厓

振策荆南路言尋古洞幽羣峰何逶迤絕巘蔽
層丘上翳千年樹高懸百尺流朱厓盤夏木碧
水映寒洲噴壑曳雲際挂流灑平疇日余懷幽
僻訪古事奇遊探討慕子長浪迹多阮侯仰穿
虎豹窟俯瞰魚龍湫斷壁晴嵐杳虛崖宿霧收
南風吹古道五月如涼秋日入羣動息深林衆
響悠仙蹤未可問寥寥白雲浮

其二

虛巖響古跡石洞映寒潭重岑高無極白日蔽
 烟嵐巉峭不容噫崖絕詎可探泉瀑響崑澗川
 光媚澄涵歷石誠巍踞尋壑驚訝給我行值炎
 暑對此情愈酣小亭新結構復爾接僧庵午禪
 山更寂焚香俯瑤席澗芳襲人衣懸流映石壁
 耽幽意未已窮奇更登歷抱茲久延佇何時復
 來覲

庚戌八月十九日論劾團營事感述

弱歲覲承明振步躡天衢敷藻藝林間哲后值

黃虞豈云傾城色絕代耀名都出攀芳桂叢懷
 貞義不孤黽勉簪紱間低回愧腐儒

二

天闕鬱崔嵬虎豹守其關雖雖九苞鳥千仞戾
 雲間銜書奏至尊朝陽相與還四聰垂明照披
 霧覩天顏

三

懷草瞻闕門激烈扣天關白日皎當陽下燭孤
 葵根魏裾不復牽漢檻今復存邈哉千載後有

道斯危言皇心自鑒察予也荷深恩

四

臣本草野士世受國恩私中夜悲風起胡寧恤
所司直湍無回波勁木鮮柔枝韶響久不作烈
士常與悲自憐蕩蕩語而感重瞳移從諫速轉
丸孤迹荷天慈令聞洽四國萬壽永無期

五

結髮事夫君恩愛永不移遽值新人寵締結異
昔時紈扇涼秋擲續絮夏炎遺紅塵何冥冥白
日匿海涯棄置勿復道憂傷欲何爲

六

詰旦渾無寐攬衣起徬徨蘭茝匿幽畹桃李競
春芳新婚結綢繆巧笑在君旁還織縑與素欲
寄天一方宛轉達苦緒敢期昔所伉

七

帝鄉不可遊回登仙山巔竦身騎白鹿接我上
九天瀛洲何浩渺俯之生雲烟回視區中人溷
濁良可憐明哲被短褐庸鄙驚華軒婉戀誰爲

顧便儂逞鮮妍傾城亦何益中心徒自煎

七

無榮亦無辱倚伏恒相隨東陵種瓜人寧復羨
當時青陽敷華馥萬木各含姿松柏秀嚴冬參
天誰與期軒輊毀譽間母乃達者嗤

八

升沈各有數衆人昧其幾頃刻相遇合轉盼已
背違一言相千秋冠蓋揚其輝騶虞不踐草鸞
鳳豈卑飛舒嘯飲醇酒達人洞玄機

崇岡九

今我忽不樂駕言凌洪波波濤未可涉改步陟
山阿天風起萬壑危響震林柯山鬼倏以興窮
猿挂藤蘿幽鳥相聚鳴兕獸隱嗟峨置此乘雲
去高翔奈爾何
彼美桃花巔采采靈芝鮮誅茅俯漣漪垂釣羨
重淵陟巘聆樵唱臨溪扣漁舫澗深魚自躍樹
鬱鳥忘旋坐見幽居愜其如俗縈牽燕月明春

夕楚雨連暮烟長嘯倚庭楹慷慨詠斯篇

青陽篇

陽和動百卉紛榮展華腓西山流烟翠仰視白
雲飛陽嶺花已紅御溝草芳菲自然涵帝澤皎
日復揚輝坐看淑景移倏忽春風歸美人在天
涯相思愁落暉
山阿雩壇篇
名都暖烟蕪况乃值春陽出郭尋幽境駕言眺
崇岡虛壇迎霽色嘉樹鬱青蒼逶迤錯星斗法

象備羣方淑氣歛餘潤杳杳春雲揚白日麗中
衢青霏藹柔芳幽禽肆好音歸翼矯以翔撫景
心目豁嗟哉塵路傷

又

眺遠及佳辰登臨一何緬攝衣步層臺名區恣
游衍琳觀互糾錯芳林逶迤轉仙臺既清峻周
望更幽蹇仰視雙龍闕樓櫓復崇顯峩宮蔽層
陰碧草靜如洗獨采石間秀雲流日色展曠哉
獨遊心詠歸興不淺

始春遊南郊

春陽初獻歲芳樹藹青碧策馬臨近郊粵余祇
 皇役層樓何巍峩窈窕開帝宅仰視浮太清徘徊
 星斗射中天積翠高却轉烟霧隔三殿倚雲
 霄巨觀壯神魄我懷出塵想獨往情偏適信美
 愜幽期從茲塵慮釋

大霧中與王畢諸曹長往天壇

晨起趨郊野蒼茫霧未開浮煙暝萬里白日蔽
 層臺天地隨空冥玄穹安在哉時從二三友登

眺歷塵埃羣騎踏蒼烟宛如空中來亭午嚴飈
 發稍見歸玄鶴立馬徒踟躕垂陰景蕭索雖開
 燕臺雲莫辨都門郭誰為卷陰翳茫然翔寥廓
 容春港口驛水亭納涼

亭午憩山驛激流滌煩疴細竹臨溪水微風吹
 澤荷優游聊暫息俯仰澗之阿雖無朋儕和勞
 者自成歌

盥手溪上

盥手向清水沄沄細浪起驚魚還自泳浴鳧飛

歷代詩選 明法子本
不止落落激流意誰識霞居子

夏日懷友

山光忽西沒山月已東上薰風乘夜涼開窗卧
幽敞炎景日云徂之子胡偃仰荷風襲微香松
露滴清響良辰嗟易失霞情今不爽感此瀟湘
客眷言勞夢想

始春園中

散步園林中東風解娛客弱柳乍含滋新鶯稍
振翮物情各欣榮人生何窘迫栖栖者誰子悠

然殊自適詰旦理琴書徘徊戀泉石仰觀白雲
徂俯覲清川激滄洲落眼前海水湛空碧緬彼
騎鶴仙逝絕雲中迹外慕非所求冥棲但朝夕

夏日遊西山

出郭訪名勝驅車戒明發况逢孟夏交及此窮
幽絕朝覽霞外峰夕看湖中月岡陵儼羅列泉
石響林樾冉冉夏雲滋菲菲芳草歇載登金口
山望望咸京闕山霧杳無際汀蘭翠欲結鳥吟
陰霏豁雁集島嶼沒山徑旣鬱紆渚沙皓明滅

歷代詩選 明注 卷之六 九
川原一以眺樓閣信超越覽勝慨塵踪恣遊探
月窟春茲遠俗牽聊以慰忡悒

始春遊棠谿別墅

偶爲棠谿遊因成大隱作朝日照前山山溪互
糾錯一水湛清漪三峰吐華萼茅舍南山下依
然事耕鑿溝塍春流急崑谷珠光落明霞冠陽
嶺溜響赴陰壑靜聞漁者言時接幽人酌間關
恍好鳥扳躋采名藥垂釣此溪中樵牧卽林薄
世亦棄君平春來縱康樂高卧性所安浮雲意

無着仰視雲中鴻青天自寥廓

遊仙

至人握元化大道超無始俛仰人世間疇能測
其理朗然涵妙竅羨彼衆仙子怡神冲玄關飄
飄太清裏靈風生廣漠燁燁明霞起心將天壤
俱跡與浮雲侶逍遙玉壺中七真自高舉

二

天上白玉京閩島崑崙城崑崙西萬里長風吹
度行雲車控日馭瑤沼夾滄溟徙倚天河曲嬉

遊金母庭疑神齊浩劫皎皎在靈扃真遇隨感
遷仙經古有徵超然六合外乘化遊冥冥

三

大道日以隱高真不易逢仰視碧霄中三山玉
芙蓉中有方瞳子了知是赤松吾將遺塵垢駕
言願相從青天不假翼白日騰蒼龍飛電靡留
影行雲本無踪長餐金光草永用保童容誰云
仙路遐宛在太華峰

四

黃鶴何翩翩載我凌紫煙蕭蕭承上帝英英集
羣僊博山焚爐香羽庭奏鈞天鳳笙激哀響曲
度闌風前玉醴泛瓊漿霞情落綺筵邈爾與世
絕白雲天際邊

五

縱步凌丹丘睠焉棲十洲言尋洞陽境相期汗
漫遊碣石小蓬萊光景似烟浮有時乘白螭凌
虛涉弱流五雲結層閣雙蚪翼飛舟青霞長窈
窕玉樹自春秋曠然狹寰宇萬古空悠悠

溪邊漫興

歸來忽五載春風又三月愛此清溪上清光洞
毫髮山中有瑤草芳菲長不歇欲往掇其英紫
茸為誰發

立夏新晴花間獨酌

南山初雨霽顧望夏雲生谷靜林塘曉花間眾
鳥鳴我携一尊酒兀然還自傾所願在逍遙聊
以散幽情廿載長安道回首是浮名何如江海
卧長歌天地清

去白晏眠

雨餘舍宿潤秋滿翠屏裏曙色入虛窗幽眠猶
未起天風木葉稀寒旭烟禽喜余心會浩蕩蕭
然澹于水

季秋棠溪述

陰谷歛暝霏沙汀曜晴爽蕭蕭木葉下歷歷川
光盪顧茲行路難愈歎脫世經達人滌繁愁踐
景恣翫賞仰視白露零俯聆悲風響采菊倚東
籬摘萸臨溪上時物含秋氣烟霞愜鳳想美哉

信吾土飄然絕塵鞅何當期釣徒一葦泛河廣

五平五仄體九日作

秋雲何蒼蒼肅氣澹海月今朝黃花期菊蕊幾
叢發松風鳴空林玉露衆草歇長懷山中人惆
悵不可撥

甘露寺

昔聞甘露寺今上多景樓樓中望遠海海月照
層丘月色不可掃猿聲波上秋而我耽幽寂欲
去白雲留

夏日雨中同曹二子誠過慈仁寺訪客

出郭事招尋駕言乘清暇飄風從東來飛雨千
山下林僧驚客至啓扉花影射綠槐蔭庭階冷
泠清朱夏好鳥依嘉樹鳴泉碧流瀉願承甘露
潤喜得薰風灑報瓊徒授簡和郢曲中亞悵望
眼中人清光隔城舍卽此心賞愜同遊憶陶謝

秋感

涼風秋季月白露濡寒菊探古窮玄妙儻然媚
幽獨蕭條人吏稀鳥雀下簷屋耿耿多慨歎梢

稍秋氣肅野情會浩蕩世道有翻覆城闕鬱岩
甍浮雲遞相逐衆人杳經營君子葆初服乘槎
問磯石願從詹尹卜

雨中柬內翰王大允寧

西山風雨來倏忽半凝碧隱霧暗層城微涼生
四壁終朝人更稀深院午烟寂庭草綠含滋宮
雲近如隔虛齋坐超忽暝景易昏夕更憶輕川
人清光近瑤席

秋晴步棠谿作

山下出秀浦練潭清可掬川浮日色明風動浪
花蹴垂釣拂漁磯濯纓向澄澳遡流意未窮岩
上雲相逐

真武聞砧

涼風委時卉零露淒夕陰已逼授衣月常恐暮
寒侵因茲感素節日暮拭清砧玉腕歛長袖哀
思欲沾襟逸響緣雲發繁杵隨風沈黃塵隔紫
塞落月更橫參擣衣魂屢往夜久力不任蟋蟀
何愁苦竟夕長悲吟憶君萬里身念妾萬里心

歷代詩選 明注子本
願接雲中使遠寄塞垣深

郊居

露下摧芳草山空畏及秋高柳鳴蟬急長空飛
隼優因穿蘿徑往始識吾廬幽登高望遠野禾
黍滿田疇明農豈不樂國恩愧未酬誰言山澤
裏還抱杞人憂

史泉行

彰德城南逢老吏告我辛未年間事薊盜劉七
掠水冶失利潛向史泉避史泉懸崖絕壁裏四

望環山復臨水峻坂崔嵬一線通逋逃得之亦
驚喜危叢古木入煙蘿行人賈客誰敢過熊羆
清晨出溪洞虎豹白晝嘯崑阿僻地幸保無他
虞魚在釜中且自娛散馬弛弓棄刀槩烹羊醜
酒恣歡呼召妓酣歌相爲樂深夜縱飲肆碁博
民兵偵實官兵捕持梃斃賊如鳥攫砲聲驚賊
謀匪滅庸奴祇知私利囊豈虞乘醉提戈矛將
士敗北賊猖狂遂令狐豕成其雄屠城下砦轉
相攻千村萬落老幼奔上蔡西平烟火空十夫

弗翦溢萬餘此輩用意亦何疎天兵轉戰費內
帑數省徵兵殲賊渠沈吟此事五十年土人指
點至今憐黃雲白日氣慘淡一望史泉一淒然
經過往往堪淚下遺恨當年縱賊者英雄謨策
自有宜涓涓不息流泉瀉樂天外錄卷六十一
黃鶴樓山水圖歌
子城南面楚江頭百尺崔嵬黃鶴樓黃鶴樓臺
臨江浦江天漠漠白雲稠雲開秀色蟠二楚天
削龜峰踞上游有時烟霧連天濶往往飛軒抱

郭幽碧落澄江地欲浮江中風浪逗行舟鯨波
颺轟還今古萋萋草色自芳洲大別之山何青
青烟雲九曲滄浪亭鵲山磯石遙相望廻峰沓
嶂凌太清仙人一去白雲閒大江茫茫竟不還
却乘黃鵠遊汗漫樓乎壯觀天地間怪底畫師
掃烟墨君家堂上涵江色江樓依微帶楚城遊
子天涯望鄉國昨昔登樓俯碧濤憑檻萬里散
清眸七澤微茫俱我前烟波江上楚雲秋看圖
恍若登臨處竭來王粲憶江洲雲石熒熒空我

歷代詩選 明江子才
心素練青天漢水流

放歌行畬友人

君不見子雲仕漢乏良媒十年執戟明光裏方
朔誰言是歲星浮沈金馬空復爾病渴久卧文
園客作賦虛傳相如美君不見楚玉未爲天下
奇明珠海月尚湮淪紅光獨令天子識白璧疇
使世人珍又不見豐城衝斗時莫測鄧木凌霄
亦窄庸驪翻令服蓋車冥鴻應自愧樊籠久
畱不放苦遭廻自笑金門大隱身漢室從來歎

積薪巧宦逢迎列要津曲鈎直絃那足論人生
倚伏安可陳賈生太息著鵬賦列子因之御閔
風賢哲達觀將無同高歌仰視浮雲中

青華山歌送李尹之雙流

蜀道東來山萬重蜀人最說宣城峰宣城峰巒
倚鍊壁遠接龍門吞磯石紫草雲爛易成霞金
翠花明不知夕僊令西遊陟岩崑中天萬仞羨
乘輶山間瀑布落虹霓山上啼猿聽沈寥飛鳧
高竝青天杳製錦還看繡嶺遙白日彈琴政自

和琴聲流入蜀山謠

潼關行送程二子彬副使之陝右

十年供奉承明班八月乘槎向潼關
 百二潼關天設險塌來洞口觀名山
 泰山泰華連雲上太白終南鬱相望
 崑崙滄海地軸動海日曠矇射青嶂
 繡斧遙從山寨來長空飛隼絕浮埃
 仙掌晝懸寒谷秀藤蘿倒挂石蓮開
 奎璧祥光生縹緲陰陽翕沓孽昏曉
 登臨始識泰華尊俯視因知衆山小
 使君玄髮氣吞吐萬里霜威肅西土

開府元當控扼中塞帷爲拯蒼生苦未論范老

富甲兵豈惟方叔壯其猷馳驅二陝旌旗色靜

聽三秦鼓角秋塞垣西北倚長城天際黃河流

渭涇微茫水接三江淨杳藹霞連萬仞青高高

七十二蓮峰函谷照耀金芙蓉青牛真氣何葱

葱羣仙往往誇飛龍我欲從之歎無術安得騎

猊驂太乙天風瑟瑟秋聲急側身西望空佇立

春日吟

江上逢春春事幽看山還作越鄉遊越水澄波

漾空碧東風吹散江南愁江遠不隔飛鳥度峰
回長帶夕烟稠謫仙詞賦留天地吳王臺榭空
山丘不須對此慨今古烟洲芳草自悠悠富貴
于人豈長在仰視浮雲天際流

十虎丘行

連旬風雨今晴靄我來歛值千山開神明似與
茲山期天意令人陟崔嵬湖上扁舟邀落日白
日蕩漾水雲迴年來自歎風塵久春山流水獨
徘徊扳躋直上千仞塔欲觀滄海望蓬萊楚鄉
不見雁鴻度萬里浮雲天際回

張中丞祠

羯奴初起漁陽變天子西遊蜀山縣公卿從此
降虜庭百官何日朝金殿當時誰測平原心豈
復能識睢陽面金戈雙舉力禦寇孤城落日嘗
百戰矢斬賀蘭上方劔男兒逢危忠義見楚湘
祠宇自何年古苔斷蘚臨風奠野竹叢深山鬼
愁北峰亭畔倚荒甸雲蓋星旗時恍惚往往擊
鼓靈風卷畫壁塵縈摩挲上虬鬚落落人中彥

歷代詩選
合樓山麓興來欲往興盡還青山識我無羈束
業緣種種盡消磨祇有佳句猶耽欲清潭瓊草
綠可折欲寄美人渺空谷

村中行

村中昨夜秋風厲嗷嗷鴻雁來天際人家籬落
徧郊墟農談四隣聲漸細共話今秋幸少豐家
家餽粥用皆濟何知穀賤黃金貴穀盡還憂輸
官稅入夜猶聞里胥過農家雞黍及豚蔬太平
官府重徵科繁役顛連將何繼公門取辦在須

史老幼鞭朴囹圄繫蒸黎骨肉亦可傷各自經
營早爲計夜深坐久人聲寂時豐何得愁終歲

今平秋夜吟

商風淅淅夜何長向夕枕簟生微涼起視銀河
流素練青天皎月雁南翔梧桐一葉飄金井碧
落長江楓樹冷野水連天淨如掃光涵瀚海淡
秋景桂花搖落影飄飄誰向高樓度玉簫不見
人間乘槎漢遙傳天上鵲成橋燕關紫塞三千
里羌笛一聲黃塵起沙際早寒胡馬嘶日暮殘

兵哭遼水閨中少婦自含愁塞上征人覓封侯
路遠誰爲寄征衣不知何日到并州黃烟衰草
茫何處白露沾裳未歸去擊柝響隨夜蟲鳴采
蓮那與王孫遇徘徊月下自長吟千載誰者是
知音莫漫登臺問明月由來不照愁人心

祭丑大雪

今年大雪昔未有野老驚看大如手階前頃刻
忽盈尺柴門暮掃朝還積凍雲流霰無窮已垂
天擁地吹復起尋梅空覓山中客閉戶獨臥袁

安宅陽回淑氣轉寒沍陰陽胡乃愆其度潛大
嘿嘿思益增天意何能測咎徵

曉卧

深院鳥啼草堂靜樹影亭亭日初正空谷無人
早欵門北窗高卧誰相命野夫歌枕意方恬夢
接羲皇自情性曉旭瞳瞳映書幌蛺蝶栩栩春
夢迴無論長洲共遠浦一任豪懷與狂興起來
兀坐但長歌目送遙天山色淨

秋雨吟

歷代詩選 明汪子才
蕭蕭秋雨簷前落楚客逢之懷思惡山中黃葉
自紛紛端居靜院轉蕭索溪澗有魚尊有酒顧
婦開尊爲汝酌酒酣放歌句轉工旁若無人任
揮霍秋夕漸長涼颼多萬樹松風度千壑坐見
霜華兩鬢生人生羈旅胡不樂長嘯一聲山谷
裂悠悠萬事秋雲薄長年但醉金叵羅勳名不
羨凌煙閣

十月梅花引

楚天春信亦何早十月梅花開正好冬候倏驚

雪作梅霜威未歇江村草瓊姿滿樹發奇葩孤
影低徊舞新花故園春光盈雋水漠漠含香度
歲華花情相對意何長淡淡微雲著草堂草堂
風物迥無倫花拂疎簾枝拂墻一向花前看白
髮幾度對花憶朱顏朱顏白髮一朝改桑田海
水須臾間歸卧東山十二春年年花發興偏新
一片空心明月在照爾東西南北人

我有紫霞想

我有紫霞想夢登黃鶴樓黃鶴樓高幾千尺白

雲裊裊接丹丘仙人吹笛橫高閣邀我騎鶴來
遊遊歛然升寥廓恍若涉瀛洲佩服霞綃裳輕
舉若雲浮謁見西王母起作小垂手娟娟萬翠
娥吹笙變星斗花卉無冬春靈景自紛糾道逢
浮丘生謂我曷畱久自顧本凡骨元非列仙友
生平慙癖性藥石詎能久延佇以傍俾自笑無
何有天風飄蕭吹寤覺鶴背高寒月華落醒驚
不覺夢魂搖黃鶴下唳景蕭索方知此景斷塵
凡只合栖神在崑壑歸向山中茹紫芝蕩蕩無

憂有至樂

桃花洞天歌

我本桃溪人夢寐桃花巔桃樹倚雲栽灼灼桃
花鮮桃源已千載桃陰杳洞天洞天桃在何
許千峰競秀桃爭妍緋莢處處鬪穠華夾路桃
香古洞前紅莢深淺色蒸霞小桃流水自年年
山頭曉日桃光麗莢蕊參差浮青蓮仙人結屋
桃洞間春桃裊露復含烟桃開萬朶臨綺窗檻
外莢英落澗泉河陽春色醉桃顏偷桃翻得王

歷代詩選
母憐千葉桃枝能銷恨龍門桃核大於拳嬉遊
苑澗底日與桃周旋或采桃實殮或伴碧桃眠
桃影低回雲錦燦東風披拂桃欲燃有時看桃
發高詠落筆俄成桃花篇成蹊桃萼竟何言飄
飄自是愛桃仙種黍仙子今何在仙桃迥在白
雲邊盡道桃精歌送酒東望蟠桃空茫然歸向
桃園卜真隱絳桃夭矯映芝田

別廖二會卿

惜別臨岐路遑遑獨問津涼風吹古道雲映楚

江濱王粲樓前水東流別意俱之共悠悠長天
飛盡北來鴻惟見千山紫翠浮看君車發巴陵
道余亦槎泛洞庭波貴竹湘南心萬里離魂不
散郊烟蘿

大水歌

五月江水如奔雷晴川流沫諸溪來江濤鼓浪
浩蕩而崔嵬沙翻石走龍門開白日夕風急滄
江夜雨催浮波噴薄相騰逃崇丘已沒高岍墮
咫尺莫測天宇濶吾恐地軸今將頽漢陽孔道

魚龍戰炎月波濤草木渾祇嗟海勢翻出沒更
看岩谷自吐吞江邊况復微徭急人間那見屋
廬存我時見之心怵惕老幼對淚何處村鯨吞
鼇橫猶未已盤渦驚浪誰能平煙波極目何渺
冥對此中夜令人驚短歌微吟爲君起安得仙
人騎赤鯉長楫盡決三千水下拯昏墊民安止

登翠華崑歌

華嚴寺殿倚山崑上有翠華之高崑何代鬼斧
剗巨石至今烟霧鬱相攙人言此洞棲神竈氣

吐風雷石峩峩昔望名山思嫋娜今登絕頂躡
礪柯捫蘿俯視驚雲被緣崖仰面防石墜春風
吹林白日靜孤霞橫空渺蒼翠濯纓已就玉泉
頭拂衣更上千仞壁追思開疆帝秉鉞燕山突
立五鳳掖伊予扈從偶憩此極目青峰俯綠水
銀山鍊壁迥高懸禰花爛熳藹烟紫真人瑤光
還有無仙風縹緲垂虹霓訶持白晝鬼神泣光
耀陰崖雷電隨君不見茲洞已千年俯之四海
生雲烟板緣屈曲履層巔西湖萬頃皆我前海

歷代詩選 明法子不
懷長嘯欲騰騫雲石爲我共連翩吁嗟乎雲石
爲我共連翩

八月十四分署讌集

別署俯清流招尋卽勝遊芳樽期上客明月近
中秋水淨霞初斂林深境自幽居然公府內宛
勝習池頭
大林中秋王太史白憲僉庭中對月
素影抱蟾流言尋物外遊青天堪對月白露始
分秋隣笛風將遠階蟲夜度幽驚心時序晚因

憶楚江頭

夢隔十六夜携酒玉河別署邀朱漢中許夔州

關東當二丈

明月映川流重來喜並遊清光不減昔灑色迥
涵秋復與故人別其如此夜幽天邊有鴻雁照

影玉池頭

韓俊尉沐陽

送子淮陽尉離愁不可論多才仍下位遠宦被

新恩海甸青山合彭城古堞存自憐將白首何

事動行軒

周六汝化領南雄郡

曉日炎方地青天此壯遊客程將萬里別念在
孤舟海岫浮官閣川雲蔽驛樓由來山水郡之
子擅風流遊人限其賦此亦幽天豈肯然
開府當朝傑遺墳後代思乾坤留壯節風雨護
遺祠白日江山迥清松夜月垂浩然亭樹杳瞻
拜倍凄其

初晴舟望

春草綠江洲春鶯鳴樹林日明彭澤渚虹斷小
孤岑仙駕杳難卽鯨波此更深凝情江月落萬
里暮雲侵

竹窗

關墅蕭條日晴窗偃仰初長渠依圃靜細竹繞
亭虛澹泊浮生意幽貞大隱居一枝棲息處誰
謂非吾廬

項仁少卿宅賞牡丹

三月春風暮西隣忽見花含香艷獨樹帶雨映
羣葩况是芳菲日誰禁爛熳霞明朝重約賞畫
省幾停車

詠省中芍藥

百卉熙嘉月名花此較遲陽春忽以暮芳蕤始
含姿香度仙裳曲愁添錦瑟詞湘南開爛熳獨
繫故園思

立秋日雨

高城驚落葉細雨似迎秋過雁衝寒急鳴蛩帶

濕幽涼風來上苑大火自西流畏及蕭森節關
山重倚樓

別友人江寺

青蓮臨水曲白日聚仙羣塢影東流逝漁歌上
界聞客來窺馴鴿僧是獨眠雲携手天涯外那
期此送君

范守之永州郡

吾憐范叔度作郡楚江居位秩二千石年華三
十初青天父老望阜蓋使君車更遠衡陽道應

愁雁影踈

皮大理蜀中慮囚

共是燕臺客君爲蜀道行三春偏惜別萬里更
含情鼓吹經花縣樓船入錦城遙持周恤典應
頌漢庭評

暮春同教五純之太史訪儀曹王二偉純

城西閭氏庄遊水頭萬泉溪上

楚客憐芳日天涯憶戴時無言春景暮翻訝賞
遊遲城闕仍多事吾今不好奇登舟湖海上興

在白雲知

又

出關塵稍遠在野興彌清坐對池邊樹長聽苑
外鶯槎如天漢落人在鏡湖行日暮孤亭上猶
疑泛海瀛

別王二偉純之南光祿少卿

海內論交久天邊悵別初仙槎從此去客思竟
何如卿月三吳迥王風六代餘悠悠淮水上長
日對清虛

其二

與子時相見言離各愴情誰移剡曲棹獨眺石
頭城白日清官閣蒼烟拂海營承恩因過里去
住若爲榮

王太史寄憶卽韵和畬

離居不可道秋色上燕臺忽在懷人曲言從谷
口來關山情自切風雨興難裁一雁秦雲度思
君隴樹隍

榴花

小齋元寂莫窗外獨榴花漫倚層軒碧虛疑滿
樹霞靜依芳草徑幽伴楚人家對爾遲吟賞因
之感歲華

別劉大建伯河東運同

劉晏之官日春風媯汭邊一尊燕市酒千古首
陽篇塞北仍多事河東今亦然由來凋敝地須
仗使君賢

十四日同諸符卿飲沈太常園亭觀燈

尊酒逢今夕春光近上元追尋成雅會歡賞得

名園星識荀門聚燈看漢苑繁坐憐幽興洽松
月在層軒

王三子先令舞陽

君是王喬侶之官汝穎間江雲連夢澤浦樹近
鄉關舞水泉元勝鳴琴意自閒甘棠南國政菽
芾迥堪攀

讌克齋第

博望仙槎迥梁園此夜幽丁儀陪侍從王粲故
淹留紆覽長披卷行歌况倚樓殷勤將醴酒江

月縮離愁

飲韋齋王孫第

荆南元勝地朱邸卽仙居更赴王孫燕重留使
者車開筵分玉醴坐客盡華裾明發仍爲別江
天思有餘

咸春閣

帝宇春深處空明藹素汀亭虛風氣白洞迥石
痕青寶樹移丹液琪花隱翠屏片雲飛鳳島樓
閣渺春星

歷代詩選 明 卷之十 三
段二文貴令高密

聞說東萊邑孤城北海邊樓臺迎蜃氣市里帶
鹵烟飛鳥青天上鳴琴白日前異時徵召近卽
墨古稱賢

錢張蔡二學士兼舉同年會用韻

勝日期仙侶歡遊待舉觴忽聞歌伐木還擬賦
垂楊雲氣收殘暑風烟動早涼德星同此會相
望藹文昌

重陽遊山谷道院

每歲重陽節常愁風雨來道流登眺處雲日護
蓬萊紅葉秋深怨黃花歲晚催忽聞歌麗曲彼
美碧山隈

焦祠

漢代傳高士焦山獨至今孤嶺遺迹在落日古
祠深門引江花合山藏夜月陰淒涼千載下狂
客稱登臨

山中酬客相尋

紛紛朝市客誰到碧雲岑獨子懷幽致相尋感

素心霞來松澗合草長石苔深薄晚烟蘿逕清
風韻玉琴

秋雨

夜雨復秋風幽懷誰與同早涼生翠竹白露下
丹楓繞樹曾驚鵲迎寒暗度鴻由來居隱處多
在寂寥中

美善秋雨命酌

四野層陰合三秋暮雨含濁醪催夕暝爽氣別
烟嵐時序嗟如此年華思不堪由來宋玉意搖

落任江潭

對興溪口舟中

水落移舟穩沿洄意自偏蜃樓晴冒日鮫穴暮
含烟解纜春風發鳴榔夜月懸坐令沙雁起漁
笛滿前川

秋日北窗

久爲南畝客獨卧北窗時暝雨前村度涼風昨
夜吹方欣市塵遠轉覺秋興悲此日栖栖者清
心海鶴知

三月三日賞牡丹

芳尊期上日勝賞得名花翼軫人文地池塘謝
客家春雲時度曲水石暫停槎天亦憐芳艷東
風媚晚霞

元夕

何處華燈艷孤村但寂寥春宵偏自永明月不
須邀對酒思彈鋏聞歌想度橋如何當此夕空
使興情饒

棠溪卽事

山間秋事早曙色尚朦朧衰露收新黍看雲起
岩空諸溪環柳岍雙嶺度松風無限幽棲意蟬
聲綠樹中

憶孫訓導

宋代孫明復唐時鄭廣文青瑣携獨冷白首歎
無聞暮雨憐江閣風零近水濱思君萬里外長
望瀛西雲

秋日

鴻雁度瀟湘蒹葭曉色蒼雲間秋似水天上露

爲霜高卧鄉園晚端居節序長暮霞飛不盡涵
影入滄浪

不寐

嫋嫋商風至淒淒白露零半窗留霽月虛室晃
秋星逝節驚流火涼颼激聚螢有懷渾不寐苦
調更誰聽

村居答友人

結屋層崑曲塵囂迥不聞初花明野岍積水動
春雲泉石頻留句谿山久策勲故交勞問訊身

世白鷗羣

首夏遊我庄

草色送春歸夏雲遶翠微無端臨野閣別自有
芳菲綠篠緣溪合紅英逗澗飛此中無俗軌身
世兩相違

雨中客至

靜院淒風度虛庭暝雨霑携琴同謝眺沽酒似
陶潛細草浮春色長松映竹簾幽期仍勝會吏
隱偶相兼

遊龍嵒觀

茲地陰陽合中天洞壑幽岩潭相映帶鷗鷺自
沈浮晴吐千山霧風涌六月秋躋登渺奇興况
與故人違

秋夜寄友

白露霑茅茨山風入夜寒遙林吹木末落葉下
雲端野淨秋光發天空月色殘佳期曾不遠獨
坐詠芳蘭

雷雨不絕

萬壑轟雷起千峰驟雨奔炎蒸三伏破風物二
儀昏野濶空如練烟橫不辨村更無人迹到時
聽衆禽喧

郭蔚部運南京省親

帆引鶴樓前人稱縣尉仙家山闔海上卜築石
城邊白鶴迎寒度黃花冒雨妍共言事主日卽
是覲親年

寒食

佳辰愁絕意誰諳細柳孤村夜雨合未報春衣

來楚曲况逢寒食在江南天涯久客懷歸夢湖
上新烟散夕嵐更聽流鶯啼海樹望雲瞻闕思
難堪
獨臨流水澗之濱江鳥江花共此辰客舍琴書
留滯久芳時車馬後除新思家爲近清明候在
野仍逢碧海春徒有曠懷誰與晤晚來幽寂見
天真

越河舟中

夜雨新潮起越河朝來涼思入滄波沙鳴應帶
秋聲急峰出還看野趣多渺渺寒烟連杜若悠
悠遠樹挂藤蘿舟人不用頻催棹爲聽江頭孺
子歌

泛舟

碧樹青郊散夕暉扁舟時泛白鷗磯飛花夾岸
驚春老芳草連天及暮歸遷客未忘山水興幽
人且戀薜蘿衣蒼茫故國雲千里寥落江湖始

願違

歷代詩選 明海子才
陳三秀才過草堂追憶舊遊

山人門巷客來稀
喜爾相尋水竹居
款客卽看尊有酒
臨谿豈謂食無魚
向來野館談經處
此日松臯宴坐餘
隴上寒梅西澗草
若憐幽意復何如

楊白花

風吹楊白花
搖蕩春光暮
繡戶鎖重重
楊花畱不住

雁

汀洲多回雁
爭向艷陽天
况是瀟湘客
鄉心會渺然

惜春

野外烟花麗
池邊草色新
殷勤啼小鳥
還似惜餘春

漁笛知嵐氣
曉雨冥冥綠
燕不自長小
漁人將楚竹

清吹何嘹唳
來往白鷗羣
沙邊立相向

土氣華四月
風吹綠

昔年劉三汝
敬巴陵道中
至氣蕭蕭
又風瑟瑟

昔年出入銅龍樓此日相逢感舊遊
疋馬經過湘水上露華明月洞庭秋

參差竹影映崑扉細雨冥冥欲濕衣
自是小齋多野意空山時見白雲飛

金口磯邊日欲西繫舟夜月聽烏啼
白雲似與幽芳合碧樹春蘿裊裊低

泊舟大別山下

大別山前碧玉流山人遙繫木蘭舟
春風無限瀟湘意欲采蘋花迥自愁

大別山

大別山外水連天銀河倒瀉崑崙巔
夏王祠在臨江水秀色橫分江樹烟

早起

杪秋長夜聽鳴雞起視明河白露妻
小院靜合雲樹影尚留殘月在窗西

歷代詩選
明
旅雁江鴻向晚聞
天清夜寂酒微醺
不須惆悵
憐芳草縱飲高歌落海雲

石倉十二代詩選

四集卷之六十終

石倉十二代詩選

四集卷六十一

存笥集

大明

華州王維楨著

後學曹學佺閱

贈瞿太史使梁冊封

春風如翫

自爲京洛客回居城西隅軒居避不來之子恒

相須今朝就我辭云望大梁趨眷眷游子情惻

惻居人吁斷蓬處田中風舉向天衢世途多乖

別非徒泣楊朱

皇命爾蕭泚山河盟帶

其二

其出儲蠶冬賦

四牡駕朱輪征夫出薊疆冬旭耀寒圻觀者盈
路傍借問此何爲 皇命爾肅將山河盟帶礪

一札綰十行盛以金錯函襲以錦盤囊置之當
轅輒所重在王章但軫靡及懷焉知使者光

其三

行行歲聿改言及汴河濱春風吹淶波廣樂沸
通津導入梁王苑雁序鄒枚賓禮竟葦筵張俎
竿縱橫陳三爵未云已授簡何殷勤奮筆賦鴻
篇逸氣薄蒼旻坐客咸辟易主君前自申馬卿

已牢落千秋爾復振

其四

梁園非不樂王程詎敢稽朝辭淶竹館暮返薊
亭栖經涉百餘城城城哀黔黎一哀困徃徂再
哀愁鼓鼙翹首望君門君門隔雲霓太史采風
人聞言良酸嘶停車遲不發奏章憑軾題天王
本弘仁覽之重淒其

贈余駕部之南都

我后洽文德宇內富英彥迅才鬱雲興馳翰

若飛電意氣凌風騷睹者咸驚羨我聞歐冶氏
鑄之經百鍊至道蘊淵玄沙窮今乃見張衡才
何逸十稔成二撰茲藝君能探余心誠繾綣

其二

吾愛南州子懷瑾嗜冲素纓冕填九衢茲爾厭
馳騫拏舟遽南適高跡疇能附黃鵠異凡翮四
海隨飛翥焉能同燕雀依依梁間度炎江晝談
蒸渚芳困毒霧願子慎行泊勿云匪躬故

其三

望吳行已卽迂棹忽而西問君何爲者嚴親重
我悽趨里瞻喬木別久惑故蹊行行造堂階見
面情復迷顧視笥中彩被服爛雲霓承歡安可
盃簡書畏難稽含淚別里閭悲風爲酸嘶

其四

艤棹陟鍾岫眺奇俯吳疆故宮莽荆榛清淮流
未央千年王氣還皇祖重開荒岩城依虎踞
飛閣擬龍翔十載心恒往葱鬱詎能忘冀君愜
登賦枉我大夫章歷歷陳今昔慰茲念所當

贈汪氏赴瑯琊

初景照城闕垂楊蔭廣陌孤鳥遶喬鳴旦出送
征客感物愴離乖逐往思羽翮各天從此始唱
然叙疇昔

其二

疇昔比廬舍跡邇情復深懽讌共晨夕譬彼連
枝禽子也奏楚歌我乃嗣秦音人生悵雲雨誰
能堪別襟

寄謝氏

首夏與君別杪秋忽逮茲天道有變易世事安
可期孤鴻暮南適噉噉聲可悲感物惻我衷各
天悼乖離藹藹金閨遊夙昔相追隨嫵婉非恒
情結義良在斯驚飈吹飛藿倏爾東南馳安得
肅肅羽奮飛從所思

其二

佳人邈難卽言在赤霞岑高視天宇外長嘯揚
哀音前臨滄海波云是桑麻林神理悟變化何
浮不有沉幽懷白茲釋仙侶相追尋朝騎白鹿

遊暮采瑤華吟倘遇雲中翰願以遺同心上言
結永好下言保芳馨

與汪仲子別

翩翩雙鳳鳥比翼青雲端芳池不獨飲竹實必
俱餐何意相背飛遽令乖所歡我有綠綺琴聊
以暫自寬絲桐感人情拊之哀孤鸞推軫置之
去逍遙步何于中有並游鳧戚戚念彌攢

其二

還子無苦顏羈人寡懽趣宛馬東道來西風常

反顧予也塞鄙人謬習從章句會值好文時凌
風偶鸞翥天路豈不廓翱翔非所慕華嶽雲臺
邊翳翳遶太奇其下盤茯苓其上棲白鷺歸與
依吾鄉延年而保素

贈汪子

迢迢東南帆逝將赴舊京洪川無滯楫況乃奉
王程西顧望楚天白雲忽而生以茲感人腸游
子安得寧改棹遵彭蠡浴涯采蘭英簡書豈不
畏念此二人情如何絕裾子逐逐但榮名

贈袁生督兵守鳳陽

初陽照東壁有客欵我門問客何所之駕言趨
帝園腰佩金錯刀羽旄豎戎軒意氣無江湖轅
馬望路奔張君辨豐缺神光躍厚坤願子策高
足慰我思所存

其二

汎舟越長江行行屆

陵宮陵宮一何麗棲觀

鬱雲虹崇巖翳杳栢金闕羅熊羆將軍中夜起
仰天天無風回窻傾牀頭寶刀挂雌雄但令四

境謐疇願冊元功

其三

淮野山盤曲雉兔交回岡躍馬徵徒出觀者盈
路傍矢發不虛歸左右翬雙翔就巖敲石火灸
鮮呼金觴還車意未已試巧疊穿楊從禽豈所
欲聊以娛時康

燕子磯次韻

旅愁苦未央日夜相糾錯雖云厠纓冕何異坐
窘約散步出郊圻倏登川上閣波長情旣延景

異跡仍泊目睇江雲卷意屬渚禽落祇令鄉思
馳轉覺衣帶闊行止嗟誰尤悔吝亦自作王喬
厭塵劫屈平嗜蘭薄往哉無淹駟去矣有飛鶴
窈窕三山秀靈怪五丁鑿且共同懷子相從覓
所樂

石鼓殘文歌

我聞宣王石鼓史籀筆文辭簡質字錙利歲久
剝落塌摹昏讀者徃徃恨弗備頃登汪君堂見
此更惆悵形畫失真事之微中興勲蹟隨彫喪

於乎文王已沒成康徃幽厲再傳姬祚哀田事
不講武威弛宣也英英嗣其基岐山之陽廣且
夷我馬可驅車可馳召從百辟脩舊典左驂右
驂各有儀君王大輅吉日出旌旆凌亂天風吹
駢駢騎射競獻巧喧聲振山山爲震沂水汚水
魚瀾瀾選徒擲網又一時事罷從臣奏大成爰
請礪石勒其銘豈徒風烈紹先世要令千載垂
鴻名人言禽荒古有誠彼美宣王寧無解儼化
內侵蠻夷侮我武不揚萬事壞請君究古蒐遺

編參訂闕文禪之全賢聖作事固可傳毋爲區
區點畫論精研

對雨篇

西山黯黯雲氣黑日落未落帶雨色夜深亂鴉
九衢喧轟雷壓城雨翻盆攬衣驚出莽四顧前
屋後屋溜如注樓頭鐘鼓不聞傳但聞玉溝濺
濺波濤怒此時上御集靈臺燭裏龍顏筦筦開
平明筵張雨亦歇左右爭進萬年杯君不見大
麥回枯小麥青社鼓賽神民樂生

對雨後篇

燕市雨餘花如簇買之百本植屋後晴日亭亭
一株立餘株散地垂不茂朝雲灑霽風淅瀝前
雨旣足今雨又推窗看花意轉嗔立者自立仆
者仆栽培枉費主人心我室不妍翻增陋雨兮
雨兮澤何厚脉脉相對移清晝

瓊翰流輝樓二十韻

聖帝九重居兢兢念不疎頰徵黃閣策時下紫
泥書謀鉅關元化憂深至里閭周王全屬旦衛

國獨賢遠睿異蒙求我謙將問起予片言雙璧
重一札十行餘鼎鼐期調燮撓捨計掃除密章
綸細出雄藻翰橫舒歲月龍綃積江天貝閣虛
非同八詠建欲取百籤儲雲日明珠拱風烟閉
綺疎形成疑翡翠勢峻等匡廬網拒穿簷雀芸
防蠹字魚華囊裁錦繡玉匣剖璠璣虞典安天
下義文啓治初永存沙變海長曜斗臨墟鄴氏
藏充棟張華載浦車誰云伊可羨須信此難如
余也生金徽歛來濫石渠才微慚授簡質散類
遺樗強擬高樓坐終朝謝大夫

送別宮贊吳年兄省覲十二韻

今我思歸阻憐君得詔還嶽蓮空悵望江楫下
潺湲自作東園客常瞻西楚山海雲偏墮淚宮
酒只推顏鄉念鵲依奇朝看鷺去班采蘭行訊
谷釣鯉必臨灣懽宴時時啓鬱情去去閒門非
向來倚衣有古人斑睠此真傷臆安能共賜環
孤鴻沙葦裏萬事酒杯閒秋杪人堪別霜殘柳
亦攀他時問踪跡竟擬臥柴關

大風

長安正月暮強半烈風吹苑草寒仍細城雲晚
 更馳翻空潮勢壯入奇鵲巢危不惜摧楊柳傷
 心飛李枝
 同館寮宿院中
 話久輟青燈宵寒擁翠綾枝鳴宿鳥動窗影曙
 光新人語雞聲盡風庭雪氣增夫君莫問夢多
 懷寐未能

贈潘使君赴汝寧

使君分部所山水似宣城露冕千人望河橋五
 馬行吟知齋對岫政想臥爲聲簿領焉能累由
 來謝眺名

送盧子上 泰陵祠 昭聖太后

虞帝英爲嬪周王妣作述當年稱二聖此日閉
 重丘雲慘蒼梧夕風悲玉殿秋侍臣瞻切際鳳
 輦或來遊

慈恩寺納涼用郭東野韻

地偏人不到曲砌徧苔磯自愛尋真入何嫌與

世違薜房間白羽藤奇掛緇衣毒熱愁無那蕭
然一坐微

其二

五月亦何爽東林不傍村微風寒石榻濃木蔭
溪蓀余是驅車客茲為避世軒無生如可學捐
珮未須論

送駱太史謝病歸湖

忽謝金門直言尋碧海濱明時豈無意旅病苦
傷神白髮愁中長青山夢裏真知非鷗鷺侶暫

與薜蘿鄰

其二

挂席下進潯行行指越林菱歌醒旅夢鱸膾稱
鄉心千里秋江水孤舟月夜吟和人渾不見霄
漢有知音

陳子詩期七夕宴集忽雨渝盟迺依韻嘲

之

仙筵卽共賞風雨却寒盟不及雙星信河梁約
竟成坐令佳節邁空對客燈明懽宴知誰第笙

歌急夜聲

聞蟬

客居不傍奩蟬響迤遙風帶月流虛院和砧入
暮空驚心寒不遠爲客思無窮忽墮雲中影磬
磬又塞鴻

廣德寺送別陳子

俱是游京國獨憐尋故山鄉心因子劇別句對
僧刪枯沼風荷咽空林夕鳥閒前程愁欲暮乞
與一燈還

美八月夜孫季泉見過

君有王猷興余慙戴子家過逢乘夜月門館靜
雲霞貧擬來人少詩憐古意賒同聲今復幾莫
便轉歸車

冬夜孫季泉宅對月

今夜華堂月盈盈坐玉壺影流疎竹動光滿一
燈無城笛關山調囊詩合浦珠不歸非漫興此
地可忘吾

贈王懋中太史移居

苑水斜連戶宮梅近拂墻氣侵琴劍濕風染竹
蘿香虛閣玄經就間門碧草長雖然在霄漢何
異在林塘
歲宴春將起遶庭青草生官閒長繫馬柳細早
啼鶯鄉物吳王劍臣心漢士纓更憐芳調合竊
有結鄰情

秋夕孫子見訪和韻

美人今夕至明月故徘徊素帙秋螢點鄰機寒

女裁驚心時序晚淹坐鼓鐘催俱是他鄉客堪
聞北雁來

送葛給事以使冊封歸河西

搖珮辭宮直分珪向塞城星槎千里使帶礪萬
年盟雪路遲春草天山少早鶯梁王偏好客除
道迂枚生

送人之金陵

君行辭北闕予意慕南邦龍虎雄蟠岫烟花夾
錦江春聲聞凍浦暖日透船窗最是乘潮便無

歷代詩選
明王叔里
三
綠鼓楫雙

送內兄選士郭子歸省

送歸殊自嘆十載任長安旅跡同飄梗征人獨
采蘭天遙堤柳黑鄉近岳蓮丹孟老應相問惟
貧似伯鸞

夏至齋居

節候忽如此端居感慨心城雲看火度宮燄起
蝸吟便覺年將半那看暑遂侵所思在虞帝南
吹散璫琴

中秋集汪尚寶舍和韻

高城角夜流高宴屬豪遊醉度霓裳曲清吟落
葉秋霜將月皎皎思爲客幽幽那可南樓笛聲
過是隴頭鼓士園天子武西齋萬事感指霜

送王司成之南都

帝謂夔能教南雍此奉恩蒼龍辭漢闕白馬度
吳門道以先生重名令學者尊舊賓勞睿想博
望欲開園

申進士令分宜

歷代詩選

明王叔里四集卷六十一

四

十

申生子所獲少年懷遠心手持循吏傳言赴楚
江潭敢謂張華識相期宓子琴彈來無自苦世
上有知音出世重奇令學古真詩實也
帝臨送汪子南來北來思各盡
出城芳草歇臨水芰荷生節換羈心感山回客
路還同人違上國天子在西清萬事憑誰語悠
悠悵別情

詞賦贈徐推官之西安

故國君爲理歡來却自嘆秦人今好訟漢法本

從寬三面羅應解重關路亦難須君按轡入百
里到長安

送李明府之任蜀中李父故爲御史

名家周柱史才子漢郎官去望星隨憶還知鐵
戴冠棧花驅馭緩江月照琴寒萬里遊真勝無
歌蜀道難

寄家書

毋念今逾切別來夏又殘時驚流水逝日作倚
門看有客傳消息爲卽憶考槃應知非湯語貧

賤故能安

寄東氏妹

危途親更隔，獨客意偏哀。
信遠憑長翼，詞悲叙大雷。
畏人將宦薄，懷汝覺神摧。
何日重看雪，傳賡咏絮才。
予既還京會，無錫王子亦至，因簡。
金門仍待朔，聖代敢逃堯。
以我猶懷隱，知君勉赴招。
陌塵袍色化，世故道心消。
何似滄江畔，白雲閒自謔。

十里其二
各問其
華嶽吳江口，雲天萬里遙。
相違憐夙昔，相見復今朝。
缺判終同匣，鴻飛不異霄。
板歡斗酒匱，焉爾脫金貂。

寺閣同諸子和楊司諫韻

陰晴誰可料，朝霧晚爲開。
簷鶴衝空逝，江虹截雨來。
霞流過殿，身擬到天台。
遊嶽嗟難遽，今觀亦異哉。

其二

居峻望逾迥浩然生遠思山無雲斷處塔有雁
來時繫足書猶澁傷神客自知十年塵土裏初
服盡為縑

其三

樓中客未返棲鳥已空篁興在憐餘照空冥識
妙香鐘聲侵檻急杯影接雲涼惠遠休憎飲陶
公嗜醉鄉

秋日閒居

千里逢秋客閒居感慨中宦踪巢幕燕鄉念下

江鴻院靜蛩偏響霜寒木漸空遙憐故山桂鬱
鬱自為叢

春晚見白髮作

苑日柳全綠庭風榴欲然不知何處雪吹向髻
毛邊把鏡光堪妬傷神客獨偏十年成底事惟
取百憂煎

春日寺集和尹氏

處處春光接客愁殊未開言尋息心侶遂到望
鄉臺見雁翻增恨逃名莫道才湯看諸妙樂取

醉藉蒼苔

其二

長安少年子春來日日嬉城南無數寺花柳徧
含滋走馬尋鄉入看鶯載酒移吾哀今可笑向
此亦棲遲

南浦舟汎次韻

呼舟催力進波靜日仍暉怕有回風作虛令蕩
槳歸白鷗來故狎青島望何微出浦聞相近吾
將遂所依

有客

有客談農事淒然傷我心風回青失壟日轉赤
流金處處神巫問哀哀寡婦音憑誰還報語
帝禱已桑林

其二

單于欵欵塞使者急臨邊果得蒲稍馬何言少
府錢沙場元恨井炎月更生烟願假將軍劔山
山為出懸

西溪亭上分韻得屏字

曲水圍青帶回岡抱翠屏冠裳仍廢榭鷗鷺自
寒汀霞覆千年奇風翻十月萍少陵何處問徒
倚白雲亭

其二

暮倚溪山曲悠然見晚屏水風醒酒面野火辨
魚汀坐下忘機鳥行吟浪跡萍良遊天亦縱明
月故亭亭

春夜於草堂飲趙孟靜限韻

窈窕歌今夕留連及曙鐘殘星低北牖片月墮

西峯歡向樽前劇思於別後重高標蓮嶽似萬
仞削芙蓉

夜投乾州

早發暮還轍荒村已宿鴉前旌明野火遠戍咽
樓笳行漸初星密愁深曲徑斜風塵疲道路瞻
想五陵霞

望輞川

昔賞人安在嘉名尚輞川戎車不可到野望重
依然山有題詩墅溪多種秫田勞生空碌碌何

日此攀緣

商州別舍任吉兆北歸

鄉念吾方切商山汝又歸相看愁對酒臨別更
沾衣望盍白雲迴岩空紫蕨肥他時遂初服此
地更須依

度秦嶺

未晚登崇巘俄窺海日明雲從車下起人在斗
邊行天險分秦塞神謀度漢兵却思千載事感
慨不勝情

除夜書懷

怕說明星出愁聽夜漏殘羈人家萬里新歲若
為歡湯使梅輝閣徒教柳媚烟東鄰簫鼓競曲
徹又更端

早春過端溪宗伯宅留飲次韻

南風吹北雁去去自為雙楚國空留舄鹿門虛
羨麗暮雲迷遠岫春棹響空江不是公能款朝
朝臥北窓

早春王錦衣宅集諸舊遊次盧君韻

離懷不可道醉裏爲君申跡是蓬飄野情均柳
望春豈期五侯第復見十年人我意鶯能解啼
聲故故頻

春日遊靈谷寺次韻

自嘆南飛鵲臨風遶奇三幽巖期獨往竟日只
空談野色牽遊騎塗歌盡采蘭直依龍伏處花
雨亂春潭

贈南衡童子泉州之任

看君如健鵠場翅竟翻飛往事那堪問初期幸

不違吳歌送越客暮嶺駐斜暉後會應難料離
腸且暫揮

其二

去住俱爲客悽悽獨愴神浮生已哀白京洛尚
風塵采藥臨滄海乘槎釣紫鱗茲情終未已訪
爾到南閩

悼內爲項氏作

得意今如此閨中孰下機舊臺塵掩鏡新錦淚
沾衣夜月烏偏喚春風蝶自飛誰能少翁術爲

爾致容輝

雪晴

長安二月雪花飛五日陰陰此放暉
淒氣不隨雲霧散輕冰暫向午風微
苑條寒峭鶯聲澁野徑泥深客願違
聞說城南富花奇今朝能得幾
芳菲

和黃子九日感懷之作

白酒茱萸九日來却驚烽火照燕臺
愁深漫發籬邊菊多難聊陳客裏杯
霜甸雲霞當晝起風

城鼓角繞天哀幾回自灑長沙涕
萬古空思飛將才

長陵恭謁

文皇陵殿傍居庸覽盡千峯壯
此峯石壑蒸雲蹲虎豹玉泉含霧臥蛟龍
神京想像明王作窮漠淒迷破虜縱埋劍
藏弓尤勝地晚來時望紫氛重

祇役山陵憇道觀

山程迢遞漭雲沙仙苑幽虛貯彩霞
典爲吹笙

歷代詩選 明五柳野
聊駐馬乘如索笑故開花芝房湯倚燒丹竈瑤
水空憐泛海槎此去蒼梧猶道路乘風欲借紫
鸞車

冬郊候毋北至

至後今年真可憐劇情寒月有和烟梅香早動
用京路柳色先期朔塞天千里隨春應未苦雙
眸望遠忽潸然不將王馭還鄉國却使潘輿此
逝遷

立春日賜宴和宗伯徐公韻

上林春到暖何偏遂有歸鴻幾度連氣早乍融
城上雪筵開初散禁中烟鶯知送酒歌能至梅
爲看花放故先此日承恩予忝竊十年簪筆未
稱賢

贈陳太史奉其家君還蜀

苦憶滄浪作釣翁將歸令子五帝恩洪驛車直
到花溪口險路虛愁棧閣中天關劔門元向北
江盤巴字竟趨東未應便逐綸竿往簪筆還來
侍漢宮

歷代詩選 贈袁太史使南陽便且還越用舊韻

予任終歸華下堂君行旋作殿中郎人間岐路
腸堪斷馬首春花日漸香桐葉遠將虞子國宛
丘今識漢皇鄉憑高好望南征路楚越通波一
鏡光

贈嚴太史使大梁用舊韻

梁王城壓大河隈臘盡濤聲入殿來正憶星槎
人忽到同遊春苑雁初回倒池綠竹明新色媚
客金罍出舊杯作賦不辭頻授簡亦知君是馬

卿才

聞警

胡騎能過獨石戍燕臺百里接烽烟豈無大將
曾推轂却使 明王自籲天五夜行宮遙望拜
一時軍帖劇聯翩定應風電驅氛殺餉士虛糜
少府錢

贈張憲使之閩中

聞疆萬里盡東南漢使宣威促去驟臘雪薊門
寒尚積早春江柳色先含山猿見節移深畚水

怪驚戈徙別潭若到越王臺上望
皇朝無外海同涵

五月五日寺集

令節今朝逢五日東林呼侶且持樽
野氛新暑臨筵劇宮扇親臣拜賜繁
製出上方擊寶月傳宣中使促金門
十年待詔吾怕在不省何年奉主恩

夏日同敖尹三太史劉客部朱憲使郊寺

讌集會大雷雨是時朱得除督閩中學

怯暑滯行余爲紀述

市遠林深暑自微城居六月旅遊稀
能驅汗馬臨中野共坐虛堂敞北扉
過院雲霞看屢變趁時雷雨罷仍飛
人間萬事誰堪問但醉醞醕莫遽歸

贈秦太史使徽藩便道歸越

千里桐圭將帝命萬年嵩嶽擅名邦
過時諸縣春除道館處三花曉映窗
漢使孫弘元第一吳賓季札本無雙
皇心遠役真憐汝未許回

撓滯越江

元日

陽回此日逢元會
城雪融融苑變霞
萬里越裳班闕下
九重春色到天涯
委庭烟珮俱沾柳
退食椒盤自頌花
祗恐和風吹草綠
早邀胡馬度邊沙

宿碧雲寺偕同遊諸子

秋深處處皆搖落
入寺松陰鬱未稀
斜日鶴歸寒共宿
上方僧定夜相依
爲談夢幻嗟人世
却

望雲霞滿帝畿
匡濟于今公等在
吾茲擬紉碧山扉

贈海峯吳氏分司太和山次韻

真祖宮開襄漢間
百年靈跡寄深山
醮壇紫氣晴常覆
仙路金扉夜不關
香火去看人斷續
花源行探窟潺湲
浚幽尋若遇赤松子
莫學留侯竟不還

其二

天門曉闢日臨墀
法仗風高颭羽旗
侍帝忽

歷代詩選 明王叔野 十六
爲遊楚客到山寧
忘入班時官閒寶錄時開笈
時泰仙翁每獻芝
應有徵書還省閣
向來才籍九重知

冬日同三渠官論曲江雁塔和韻

野寺滄茫有客來
野塘無主客徘徊
乘風齊上青蓮界
覓句終慚白雪才
溪午林疎時見鹿
月明香細但聞梅
豪華消歇悲前代
共祝昇平禮上台

送柯獅山自秦移鎮河南

年來烽火徹秦關
募士徵兵不暫閒
地重祇須馮異守
節移難借寇恂
還旌旗龍避三河水
斧鉞花迎二室山
梁國舊傳多俠客
夷門吊古定潺湲

洪門留別周給事石厓

共銜丹詔下雲端
千里追隨興渺漫
岐路烟花縈別緒
離筵歌管駐征鞍
風催漢節三湘遠
春向秦關獨客寒
此去相思何處寫
前程華月擬同看

西溪亭上次劉太守韻

代遠空尋高士跡
橫泉亂石自成文
狎吟鷗鷺驚寒吹
動興笙歌駐暮雲
四海詩名誰落落
千年蹊徑轉紛紛
九原如起司功老
野水輕橈欲作羣

旅館獨坐

院靜深春晝掩扉
孤琴雙劍自相依
供愁花片頻吹盡
入夢香山忽采薇
八駿誰應迴玉輦
一官空自負斑衣
向來燈火成何事
悵望遙天歸

雁飛

和大宗伯王公至日見贈之作

天涯此日逢長至
踏閣登臺喜欲狂
閣望卿雲浮帝闕
臺憐梅嶽發山莊
思將嘉瑞頻書史
傳有新詩忽到堂
陽長如翁還並進
吾歸擬着芰荷裳

大司寇顧公以請告勉留作詩自紀因和

答之

由來報主不知身
老念丘園叩紫宸
遂有簡

歷代詩選 明王柳野 卷之六 七
書催受印虛令猿鶴待歸人丹心詎逐頭顱改
白眼頻看世事新共道于公能種德高門駟馬
預須論

南中立春

此日江南昨薊北天涯逐處寄行蹤自憐奔走
頻銷骨幸值春風忽蕩胃應節吳宮花欲放違
時燕塞雪猶封未聞吹黍驅寒散悵望遙天意
轉重

宴烏龍潭上朱氏亭子次韻

故鄉此日杏啼鶯楚水秦山萬里程旅食魂驚
時屢改春潭客到思俱清避人孤鷺惟依渚競
賞千花故傍楹酒罷空庭還獨立中天滿月照
人明

次韻答陳子饋筆

彩毫勞贈子雲家綺思玄情詎有涯持去應爲
羽獵賦簪來時拂漢宮花

老將行贈孫伯泉都督

十五卽騎生馬駒未能三十飽陰符誰言齒髮

今非壯引臂猶開五石瓠

贈單倅之濬縣

秋甸輕霜菊未殘
離觴泛菊駐征鞍
問君何事衣裘重
明到琴堂白雪寒

石倉十二代詩選

四集卷之六十二

揜瓠集

大明

閩縣陳暹著

後學曹學佺閱

古風

蘭生靡蕪圃
孤根為掩抑
幸蒙雨露滋
凡卉競
豐植常恐秋節至
歲蕤坐衰熄
含芳待美人
采
紉克佩飾

居惟愒春融
在感感秋潔
流月延夜脩
涼風肅
金節徙履出房櫳
衆星有明滅
夕露淒衣襟
階

除響晴蛭四氣忽徂遷朱顏已相別惻惻不能
寐悲吟遲漏闕

宿廣福寺

策馬出城郭待渡潞河橋道逢燕山僧特意來
相邀引我登山門杳無人世囂爲我掃方丈談
論至通宵殿上磬聲靜四院香氣飄夜月照畫
壁黃鸝入柳條十載馳驅客一夜心逍遙願言
此棲止毋以不同調

自惟揚抵下邳半月始至

我行值玄冬寒風淒以亟朝霜非玉壘冰稜亦
相類路長苦日短帆掛風不遂去舟如上竿來
棹疾犇騎昔行月在東今見當西墜朝陟嶧陽
山暮還嶧陽寺朝暮下邳間燕京在何許踈林
攢素柯平野流赤燧古壘衆鴉集白沙兩鷗睡
嗟我望京闕恨不一蹴企誰知五日程半月行
乃至所遇無相知行糧屢告匱賴有良坎情蹇
蹇稍可置

華表石

昔聞丁令威化鶴上天去華表遼城東乃其飛
昇處峩峩鑿開山鬱鬱滄海樹我來訪舊跡與
與仙人晤青鳥去不來誰爲導先路咫尺蓬壺
宮可望不可渡石柱雖僅存世遠或非故但見
野外雲霏微向遲暮茫茫夫何之聊且返吾輅

孤鴈篇

滄洲有孤鴈毛羽肅以脩不食亦不飲波上自
沉浮豈不慕霄漢雲山迥且適黃鵠舍我去倉
鸚非我仇所以終日間單棲無匹儔時或一伸

頸嘹唳天地秋行將浮海去虞羅安所求

田居雜詩

鬱鬱路傍樹行者息其陰飄飄嶺上雲聚散不
可尋物態旣無常時榮胡足歆聊用解吾佩嘯
傲於山林

先人有遺業俯仰資以供自從殉微祿遂爾廢
耕農歸來理荒翳百畝種山種力作及秋穫濁
酒勞諸傭盤桓滄池上時亦撫孤松多謝問津
者吾駕不可從

歷代詩選 明陳德輝
憶昔在塵網未曾忘田園於今反初服悽惻傷
我魂故山有新阡故友多不存邑里何蕭索戎
馬生郊原媿乏衛身術一歲恒七奔撫景長太
息抑情御芳罇
洞窓通陽氣列架貯群書兀坐以終日似與古
人居克棟讀難遍興到卷即舒養性經傳裏解
頤子史餘一日不觀覽有如乏朝糈省已了無
得撫時其何如

題七夕

皎皎織女星迢迢牽牛人相隔一水矣邈若越
與秦豈不願恒覲會合必有因梁成謝靈鵲雲
輶度河津款語不終夕天衢無重闔含意各言
別中霄動行塵踰年未云曠歲月日以淪零雨
灑寒渚愁雲薄秋旻北斗尚有極此意終無垠
寄語人間世歡讌莫辭頻

登粵山謁諸葛廟

諸葛龍卧時聞達非所志三顧勞賢主出門荅
高誼恢復雖未竟忠誠貫天地千載出師表何

人不垂涕王公斯文宗今古若神契開山擬南陽廟建風化係伊余謂遺像維時適清霽躡崖縱遐眺長風吹衣袂衡嶽青冥中洞庭一何細落日散餘霞長空一鳥逝回輿下山阪惆悵白雲際

粵西松樹

蒼蒼庭下松軀幹碩以脩才質詎不美郢匠弗見收淒風薄松枝鳴聲何悲愀悲愀不可識無言以意諏炎荒土氣濕宅宇材易蝨竹鷄久不

鳴素蟻爲寇讐所以梁棟姿棄置於林丘南橘北爲枳土地職其由移之植徂徠山川邈且適所期飽霜露歷歷春復秋流膏伏龍虎仙鼎終相求

發潞河

扁舟發潞河駕言返舊服江路多遭迴舟行往如復回首黃金臺宛然猶在目仲春天氣和新鶯上喬木菁葱布丘甸牛羊散平陸緬懷滄洲間樓運動信宿

江行述感

遨遨萬里遊，就此五斗粟。屢犯垂堂誠，跋涉窮水陸。晨興汎江汜，洲渚羅水族。仰視浮雲際，迺有雙黃鵠。嘆息不能偕，心思如轉轂。

再入計

冒寒發江郭，隨衆述所職。驅車策駑馬，夙夜不遑息。行山歷峻坂，溯川履深澤。昔來楓葉青，今往霜林赤。郡縣經舊遊，轉盼非疇昔。新知多遷除，故吏半更易。惆悵時物移，銅符猶未釋。服役

職所任，詎嘆如蓬跡。耿耿懷抱微，芹天顏期再覲。
維揚醴署

家住海邊業，農圃生涯昔。與漁樵伍，自從爲吏入風塵。更向維揚語商賈，維揚商賈天下推。歲以百萬供京師，那知天帑有泥土。豈識人間無銖鎰，銖鎰會計今人憤。蓬頭赤眼食無味，妻兒咲我何所爲。大半光陰冗中費，冗中光陰真可憐。回首關山路，幾千東門會。學梅生去，綿上還尋介子田。

歷代詩選 明陳德祥
端午日同王參戎趙少參登蓋州城樓
邊庭五月氣初燠艾葉垂青菖蒲綠老人無暇
蹋草遊約客登樓灑心目窓前悉出海上山抱
郭桑麻藺葭間林中有路通沙磧探卒日晡騎
馬還蒲觴角黍獻佳節命縷兵繒總虛設王剪
由來料敵明克國營田得長策媿余薄劣無一
長五十兩度牧邊疆回思來日又今日每向他
鄉望故鄉

點兵行

昔年東遼數萬兵邇來戰沒存空營軍門昨日
勅衛吏男兒十五點從征檄書催促過雷電賣
田買馬牛買劍欲行未行但淚垂一別爺孃再
難見黃沙霰淡路無邊隨行逐隊如星聯三殮
不飽乾錢飯五夜常披戰甲眠長城萬里鏟爲
地垣外胡兒不時至性命只懸弓箭傍朝暮詎
識人間事陰風慘慘秋夜涼鬼火燐燐古戰場
轅門何處傳烽燧籥策一聲齊斷腸
苦雨行次蔡敬齋韻

炎天不斷三湘雨昏墊應憐萬家苦淋漓已覆
 粵山廬波濤更灌桂城堵桂城薪粟芝玉同灘
 湘舟楫連蒼穹誰能排雲捧太陽臨照江南魚
 鱉塲

秋夜長

秋風變樹露化霜庭槐葉落江葭蒼殘荷池上
 螢火光斷雲天邊鴈影長螢光鴈影金氣涼邊
 陲隆寒更非常征夫此日戍他鄉卑衣裕服體
 推藏為君燈下製衣裳織羅襪出震鳳凰文綺

裁開兩鴛鴦挑針引縷心自傷玉門山高川無
 梁音稀信杳誰寄將壘穀絨絲盈篋箱夢寐恍
 惚到君傍醒來萬里守空房攬衣曳履步長廊
 河漢牛斗遙相望感物偕情獨徬徨秋夜何其
 殊未央

行路難

君不見見泰山之松高百丈三尺蒿蘿附其上合
 風裊露逞華滋山下百卉不敢望又不見夜光
 之璧本至珍以暗投人人怒噴一憑玉工薦宗

廟琳琅琬琬交錯陳漢宮才人桃李姿承恩侍
寢由畫師明妃丰貌嫁胡去一曲琵琶千載悲
昭陽殿上夜開宴長信宮中悲團扇長卿不因
楊狗監焉得待詔承明殿行路難君不見

旅客行呈一二同儕先達者

秋塞飛霜木葉丹征車萬里指南安曾登鳥道
何辭險累涉龍津不避難龍津鳥道向明發揮
策揚帆意超忽南天路上半陰晴寒月舟中再
圓缺經州歷郡去無窮楚語吳音處不同旅泊

行程無晦朔天涯骨肉有蒼僮悲風急雨下林
薄長夜聞之更蕭索每恨秋天不肯明却恠流
輝容易落楚關秦隴未逢春梅花冷落向誰陳
只應臺閣雲霄侶能憶關山羈旅人

對雪篇

空江向晚對飛雪亂絮飛花散林樾非登庾嶺
見梅花未到金臺懷玉闕明妃遠嫁出金微素
霰寒埃日日飛不知塞上胡沙白猶憶宮中漢
月輝遊客江頭情無極對景驚時涕橫臆飛沙

蒲地川無梁
葵心抱赤希
陽色

下山詞

下青山兮秋月明
出蒼松兮路紆縈
望白雲兮倚林蘅
雲間松徑人來往
君何時兮脫歸鞅

長吟行

東家少婦善紅粧
彈箏鼓瑟諧宮商
夫婦相憐最無比
黃金作屋玉作床
西隣女婦無容色
朝事蠶桑暮機織
辛勤不得夫婿歡
獨宿幽閨涕橫臆
世人重貌不重心
陽和之曲誰知音
雲山

岩髡白日遠
歲晚莫語空
長吟

過上方寺僧室

瑠臺空外現慧室
樹中藏山影
飛禪錫鐘聲
識法堂碑殘
隋代字井汲
蜀泉香久不通
僧話松梢如許長

春雨

楚陌陽和轉
寒雰變雨來
濯堤青入柳
灑砌綠歸苔
帶霧籠江館
蕪風響栢臺
傳巖一夢醒
卯水向縈迴

春栢

氣奪三春早青分兩院鮮送風枝蕩影含日葉
生煙息駕傳周路行杯憶漢年聚烏臺寂寞占
鵲兆茫然

春柳

春堤新柳變林色曉逾嬌露葉黃金潤風條翠
線飄何人吹玉笛有女舞纖腰忽見依依影翻
憐離別朝

春鳥

會識青陽氣成群粉署來尋芳先到柳採勝并
爭梅鳴襍歌人曲飛隨舞女迴東風肯相待春
閣日銜杯

舟行阻雪

萬里燕臺路三冬淮海舟山川飛積霰松檜隔
荒洲折竹風前落眠鳧草際投棲遲無可訴寒
坐擁重裘

東平道

策馬東平道山川愴客情半枯當路樹七里傍

河城野草近郊燒
饑鳥向客鳴
漢王蒼故郡一訪有賢名

蚤行

赴關春期近
束裝常蚤行
星河烟平野
鼓角落殘更
風勁狐衣毳
車馳山犬驚
長安何處是
悵望日華生

山海關

重關遠且峻
匹馬此來過
北嶽封祠古
東遼夷落多
風霜衰鬢髮
道路渺烟波
豈不重懷土
其

如王事何

端陽

廿載端陽節
多從馬上躋
長絲牽宦跡
角黍聚鄉愁
滄海無人渡
采蓮何處舟
風塵吾屬厭
更是浴蘭秋

雪

同雲連海國
寒雪散炎方
故老不多見
春花應少香
庭間惟霰積
窓白似蟾光
却笑初歸客
猶疑邊塞長

亭子

亭子坐山樊山深不設門井邊呈鹿跡樹裏出
鶯言地靜聞天籟身閒愜夢魂幾時同抱者物
理一相論

與前湖陳子話舊

忽憶少年日對君如眼前停杯視顏色兩鬢各
蒼然鴈影浮雲外山光落日邊行藏且莫問春
月好耕田

歲暮鄭竹墟見過

村居秋雨後山水頗清竒留客一叢竹開門半
畝池寒魚依靜藻宿鵲避風枝可惜歲華盡但
應添酒卮

皂蓋來湖上柴門俯義溪一杯臘日酒十載故
人携霜葉紅如醉寒松翠不迷愛君清麗句臨
別好留題

宿延平城下

朝辭榕郡雨暮宿劔城煙山月隔秋樹溪風漾
夜船離鄉方是客報國是何年試看沉淵劔光

會射斗邊

泊建陽橋下

倦客聊棲止橋邊木石群
江天收暮雨山月出重雲
隔水漁燈見近城譙漏聞來朝
過九曲一訪武夷君

舟夜

野客孤舟夜踈燈漫自花水聲
徧近枕寒夢不離家風忤秋帆
捲城深曉漏餘有懷正惆悵江
月人窓斜

漢陽夜泊

淹留鸚鵡地悵望鳳凰天
岸樹饒秋色江城起暮煙
長途難計日寒夜可方年
歷歷平生事都來歎枕前

折楊柳

萬里關榆暗三春堤柳垂
良人戍不返賤妾坐相思
攀折將安寄東風抵自吹
謾將眉比葉羞向鏡中窺

關山月

河漢秋雲歛關山夜月清
露含金甲濕雲照寶刀
明淚墮笳中曲魂消砧外聲
那知幽閣影亦到海西營

峴山

峴山一片石千載紀羊侯
在昔行人淚即今清漢流
浮雲任古甸落日吊荒丘
若使九原作斯人誰與遊

黃河

南來問京國但說隔黃河
此地揚帆過雲山岐

路多飛沙追走馬積雪集寒柯
何日長安道東風聽玉珂

陳季山有懷十友之什
廁余于列援筆奉答

地署郎官客林泉意不忘
燈花存故友珠玉出新章
黃鳥嚶嚶切朱蘭采采芳
濫從諸子後擣散鬢先蒼

再牧出山海關

聖明重使過再許山關來
控海仍高閣觀濤即

舊臺氣魯關尹識官又問卿諧不憚沙場遠還
看雲錦回

九月雨居

風雨晦重陽離居秋暑涼空持一杯淥不見半
枝黃北廟山雲隔連陰島路長登高脩勝事孤
負此年光

沙嶺同莫少叅城外寺射

孤嶺坐寥寂並輿求友生林花換秋貌谷鳥怯
寒聲野寺浮煙斷郊墟宿草平羨君能中的燕

冀不虛名

沙場

沙場爲客久歲序若無春積雪不憚日飛沙好
逐人天高終費問海隔豈能遵只有秋歸鴈音
書亦久淪

今日

今日夫何日清和雨乍晴江籬盈曲渚河柳暗
層楹容易青春去艱難紫塞行去年堂下樹何
意又啼鶯

歷代詩選 明陳德輝 二十九
秋日同馬兵部登釣鯨臺觀海

朝晴臨海眺水色正含秋淡蕩煙波闊蒼芒島嶼浮乘槎誰共我把釣有同遊坐見涼風起飄飄天際頭

庭菊

惟爾庭前菊開花何太遲重陽不再得萬朵有誰知葉老霜從妬香浮風尚吹白頭清隱吏焉得伴閒居

杉關

停舟辭劔浦揚策度杉關過嶺斷聞語沿途換楚山人家樹裡出野渡岸邊閑行客時相告桂林雲霧間

逍遙樓

逍遙求故閣臨眺釋前聞臺跨三湘樹窓飛五嶺雲曉煙開粵戶春蘿上顏文夏日誰言永追惟悵易曛

留別粵中諸公次侯二谷相送韻

煙波別鴈群伊軋水中聞地里蒼梧外天文翼

歷代詩選 卷之四 庚辰德光 十一
軫分暑收三伏雨山斷九疑雲行到滕王閣臨
江長憶君

虔州水亭燕集

山郭雨初歇水亭風正涼誰能愛山簡猶得上
濠梁魚拽中流藻蟬鳴兩岸楊丘中多勝事賓
主意俱忘

水鏡浮朱榭招邀樂自多饌來橋外薦魚戲席
前過風色颺羅幙松陰覆菱荷夜來珠更現山
月落晴波

舟過峽山飛來寺

聖剎架危壑神燈聯上台路迷青草合泉破綠
蘿開想像歸猿洞依棲放鯉臺天風引鐘磬飛
落客船來

次陳六亭同受堂登望湖亭韻

使君行部暇同上望湖亭沙遠蕪天白山春近
座青對時看柳色懷古辨苔銘向夜天河上分
明聚德星

孤城彭蠡畔萬頃水光寒舟過魚龍避春生風

歷代詩選 明陳德輝 十一
雪殘行人拾澗藻詞客紉芳蘭幽意予因起相
期把釣竿

聞陳于峯舟發青溪赴留都追陪不及
君發青溪棹余乘皖上航煙波忽相間雲樹望
何長路繞東吳畔城連北斗旁無因借風力瞬
息共飛翔

江行

青山引客路江草藉輕航桂楫遡流緩湘簾垂
日長鳥來啼樹外花落擁籬旁自識忘機久沙

鷗亦不翔

出江

出江還入浦汎汎任舟航水漲魚梁沒雲濛鳥
道長天垂四野外日落九江旁遙指同安路西
南一鴈翔

江郡

江郡青山霽幽居白日馳蛙鳴雨後澗鳥坐月
邊枝當路無書問衰年有鬢知踈慵已成癖株
守未言遲

靈陽宮

曉入靈陽洞看雲倚翠岑鷺過青嶂裏牛飯綠
溪陰緝院風霜古龍津歲月深僊踪未可躡空
對舊煙林

京口

朔鴈盡南征客身翻北行奔飛異岐路愁緒此
中生過楚暖漸少渡江天始明逢人問關塞積
雪幾時晴

途中寄皖郡諸僚

客子意不淺題書寄皖城懷人無以贈歲晚倍
含情長路占風候離魂切鴈聲愁來獨不見千
里暮雲橫

送全之姪護喪南歸次韻

嚴霜淒朔漠遊子念鄉關馬渡河水去人歌薤
露還旅魂江上月愁思海邊山爲有無窮淚到
家非昔顏

廣福寺晚晴

緝院重陰後東風開晚晴人留雪上跡鐘散月

中聲林木藏僧舍山河繞 帝城迤禪豈余意
春色自含情

春暮再別全之姪

暮春方盡日別汝在江濱何地無芳草東風各
問津看雲添別思解纜更傷神明發如相憶應
憐物候新

李陽河夜渡

楚樹狂風定陽河薄暮過天青
夔岸斷日落遠峯多隔水見漁火中流聞棹歌
翻然嘆萍梗踪

跡渺煙波

繁昌故邑

江村城郭廢楊柳數家連雀噪斜陽裏鷄啼故
堰邊山通南北路門泊往來船野老知風信因
之一問天

不寐

客子坐清夜秋風動竹扉寒更聲可數孤月影
誰依朋舊十年別鄉園萬里遠未曾安枕席焉
得夢魂歸

除夜

風塵淹獨客燈火伴閒居忽見歲星轉又知今
夜除寒隨餘雪盡春入早梅舒此夕情何限庭
闌千里餘

觀燈

綵結懸春勝蘭缸吐晚晴疑星依幕綴似月出
樓明花散長春館人遊不夜城南鄰沸簫管縹
緲有餘情

送司城袁邦正還留都

南國爾仍去北山余獨留還將送遠淚更上望
鄉樓落景迷歸鴈淹時敝客裘吳江回首處昨
日與同舟

江中與陳于峰聯舟而行用韻

長江人共秣陵旋碧草青楓雙舸連朝伴白雲
行野外暮隨孤鴈宿沙邊楊花隔岸紛飄雪秋
水臨窻倒看天薄嶺叢中稍閒日謾勞人擬並
登仙

董子祠

廣陵城卽漢江都董相祠堂在故區荒草蟄虫
藏廢井深秋古木聚寒鳥六經未絕垂帷日三
策難留補袞儒今日登堂瞻廟貌傷心端爲抱
齊竿

淮揚入計

虞庭敷奏集群賢萬國衣冠拜 闕年爲採芻
蕘供煮海亦隨鵬鶚去朝天江城暮雨高春外
關塞晴雲捧日邊多病恐妨經國計願從霄漢
乞歸田

羅子招飲盖州城樓

飛樓縹緲與天平洞牖玲瓏四望清東去兩河
橫帶練南來三衛列崢嶸風過層閣寒生夏禾
長春郊綠繞營不有招邀得清賞誤留佳景在
邊城

書事

極目扶桑風浪翻年年鞞鼓震乾坤明珠有路
通滄海漢女無媒妻谷渾十里旌旂驅洞帥幾
年財賦盡軍門何時渤海捐刀劍耒耜聲聞處

慶村

彭蠡阻風有懷荊州全之姪次前韻

秋風擊楫向中流野日推蓬憶遠遊長路關心
雲漠漠浮名極目水悠悠三湘久客同秋月五
兩生風獨夜舟彭蠡卽今眠塞鴈洞庭何處報
沙鷗

荆州詠古

倉皇已出豺狼窟漂泊仍來鴻鴈天三楚樓臺
流日月九江舟楫傍雲煙他鄉物色堪流涕故

國干戈未息肩王粲登樓有詞賦行人正指在
荊州

連雲島觴潘子次韻

雲島移觴枉一過鳴笳弄笛迸嬌歌千林風拂
筵離暑萬頃日臨窓動波酌客直防沽酒少放
舟那在得魚多相留待月同歸路十里清光照
薜蘿

過滄洲懷舊幕強簿

黃沙白草塞中天玉質金相幕下賢苑馬秋深

肥苜菘井梧歲晚靜雲煙歌驪酒散人千里逸
翻光移歲八千再牧沙場尋故舊滄洲一過淚
潛然

舟夜次韻

江青露白夜遲遲鼓棹中流有所思遠客不堪
心似織暮年劄有鬢如絲猿啼兩岸林深處鴈
度三江月上時惆悵天河殊未曉滄洲何在欲
從之

風洞小集

窈窕山林不出城尋閒載酒扣岩扃溪橋飛蓋
雲移影山寺鳴鐘谷應聲雨後梅腴枝並亞風
前柳偃葉隨輕塵埃不著登臨道一月還應幾
度行

潛山郊行

簿書暫輟下郊原細草輕車帶露痕山徑盤旋
遲去旆竹林掩映出孤村禾登秋隴牛眠野葉
落風林犬吠門爲荷聖朝人樂業家家日晚
祝鷄豚

九日大觀亭同李巨川登眺

九日風煙開霽靄江干亭榭倚嵯峨逢時取醉
此公暇與客登丘聊短歌不有黃花酬令節且
將紅葉照微醺西風聯轡歸途晚十里高城落
照多

江月泛舟過池郡呈陳守

雲收風靜楚江平萬里涵虛大地明四望山河
懸月影五更林木送秋聲翩翩塞鴈依芳草渺
渺檣烏掠暮城野色恍疑霜雪夜扁舟人在剡

溪行

寺中戲題出窰榴樹

祇園天氣曉融融塚下幽花出梵宮半醒踈枝
如待露纔生細蘂不禁風瑤華稍秘緗裙色珠
寶全歸佛相空料得群芳零亂日也應庭院賞
新紅

上巳日飲魏閣居地官清源分署

地官分署魏河邊留客浮盃上巳年來徑柳陰
蒼蘚合映欄花影翠幃連聽歌黃鳥聞新管洗

酌山池引華泉無處春光不堪賞何須修楔若
耶川

閨嘆

閨臥朝慵起幽窗午始開不知春社日新燕入
門來

福海菴

寶室隱岑崖松蘿閉行徑冷然天風至夜窗聞
鐘磬

翠屏

上樓何所觀蒼巖轟如壁把卷連斜陽屏影在
前席

盤石

杖策行山倦掃苔坐石盤秋風吹古樹藤葉落
方冠

閨思

問訊江頭客何時關塞歸見儂夫婿面得似在
家非

秋夜涼風起妾愁正斷腸歸卧滅明燭月斜光

歷代詩選
入房

廣陵覽古

隋帝行宮邗水濱
錦帆花卉四時春
于今九曲池邊柳
秋盡民間採作薪

聚遠樓宿

聚遠樓西斜月光
草虫吟露樹飛霜
秋風颯颯吹溪水
一夜寒聲伴漏長

遼左

胡虜登墩闕漢田
行人弓箭每身懸
馬蹄亂草

摧行色
回首遼西起暮煙

河上長虹不復飛
東西煙火望來微
斜陽半嶺烏爭樹
多少行人待渡歸

天厰鑿閭百萬家
兵戈旱澇數相加
空村幾處無鷄犬
白骨叢中起亂鴉

姜女墳

青鎖裁縫寄阿誰
長城版築已多時
龍沙五月無青草
却恨春風到得遲

上元日同麻養靜郎中往楊南海元戎宅

觀煙火

層層火樹上熏天
片片梅花落管絃
祇爲江南未歸客
故移春色在尊前

黃城

匹馬黃城望紫宸
雲山漠漠淚沾巾
百年馳騁忘歸道
遇着耕夫好問津

寺中春翫

日暖風恬積雪消
春畦蘭藥發新苗
韶華不管幽棲事
誰遣鳴鳩上柳條

望九華山

峩嶺樵夫邂逅間
對余西指九華山
白雲深處多僧路
在松林可往還

石倉十二代詩選

明四集卷六十二

石倉十二代詩選

四集卷六十三

天山集

大明

南海何維栢著

後學曹學佺閱

同諸生出西郊浮丘矩洲遊覽

暇日多佳興出門囊素琴呼朋探幽賞披榛歷
郊岑適意遂忘疲因過堯花潯窮覽諳行處方
知溪路深微雲蒨晴宇輕飈生遙林川光日明
媚好鳥鳴花陰

山中得家書有感

昔稱陶公貧敝廬猶足依宅外五株柳餘光映
荆扉秋菊華三徑清露足晨暉寡性抱迂拙無
營生事微糟糠苟不失尚敢怨長饑但念棲無
廬依人駐庭闈陋巷素所安置雖亦復非搖搖
無寧跡飄飄若塵飛分也有不足義焉安敢違
人生本如寄稅駕將安歸

與中丞李三洲太守李過齋重訂遊白雲
秋日佳氣多浩歌賦新詩凌晨理芳屨欲往安
所之所之未有期默默轉長思長思儼夙約會

合當何時眷念天宇清勝事則在茲嗟我素心
人嗣音豈吾欺

汾江道中紀事呈郡邑諸公

平生江海跡好與鷺鷥盟所志在食力莘野事
躬耕暇時或樵釣適意隨所經持此三十載外
物不足縈邇來風土惡盜寇多縱橫山行與溪
宿在處心煩嬰所以雲水身猶此依城市秋禋
旋舊里四村聞夜驚畢事亟東歸白日搖舟行
順流沂汾水徐至三家亭

地名

漁人呼勿往忽聞

金鼓聲帆檣亘遙海戈盾掩青冥千百羣嘯聚
剽掠誰與爭田疇忽刈獲種秬載滿盈官兵寡
不敵徒搏莫敢撓暝暝長晝昏商旅遠留停回
棹汾江上嘆息若爲情臨流鑑晴色微風漾波
清行止順吾之獨憐此蒼生終歲歷饑饉辛苦
望秋成胡然遭蠱毒新穀不及升私貸日促逼
公稅未息征悠悠昕夕慮俯仰何所營倚蓬成
獨立感之雙涕零况此惡少輩烏合詎可輕履
霜憂堅冰滋蔓圖難勝古人防未見乃今勢已

形所藉保障者君侯淑且明匡時諒有術買犢
匪虛名經畧宜及早庶獲境內寧杞人愛莫助
短章寄遙誠

克念堂讌集訂會

人生處浮世繽紛各有營蚩蚩若大夢誰能別
渭涇而我林居子超然遠世情商飈振林木心
賞扣玄扃登堂列芳讌翩翩侶羣英主賓諦情
好未飲意已傾詩篇期洛社真率誠可經雅志
不在酒擬結同心盟願比寒松秀莫羨春花榮

努力崇明德庶不負此生

望海

周道日湮塞滔滔竟何為所以魯夫子志欲居
九夷九夷不可居乃作浮海思詎知千載下世
路紛嶮巖吾主嘆何適諒當從仲尼

其二

嘆息復嘆息東海浩無極浮沉盪兩儀吞吐遞
潮汐游氣紛幻化蜃光射空碧縹緲疑仙宮謬
悠悲自昔安得起巨鰲駕作中流石

其三

中流瀦蛟龍神物不可測含精抱至陽云何久
潛蟄妖風翻黑浪汎濫鯨鯢窟欲呼海若問責
之百神職鞭龍叱雷雨洗昏明杲日

悼內

幽懷忽不懌撫景嘆以悲天地何寥曠此身安
所之歸雲依故岫栖鳥戀舊枝入闔感疇昔欲
言當告誰

其三

歷代詩選

月河古林

四集卷六三

四

才

念昔主中饋琴瑟常靜好仰事極歡怡時享潔
蘋藻諸子雖異乳義方惟一道合室交相愛自
謂終偕老胡然舍我去哀顏逾潦倒豈無御事
人百爾徒草草感來臥獨遲愁時起常早儀容
不可作黯黯傷懷抱

戊申立秋書懷

煩暑散未伏商飈垂及茲無言對庭竹坐與白
日遲爽氣生虛室幽懷祗自知及時不努力老
去將何爲耿耿懷胸臆悠悠起遐思聖途雖云

遠直詣安可辭耕耨苟不勤良苗萎蔓滋慎脩
在幽獨毋爲名所欺

和關紫雲五言散體

老龍負奇氣久矣臥東溟念昔樵雲夜幾冠待
啓明啜松吹蜺日澹泊萬緣輕倏爾頭俱白同
聽春鳥鳴

歸鳥

玄霜下林木寒朔起悲風有鳥羨南極來歸青
海東翩翩求其羣振翮凌虛空靈性知所適弋

歷代詩選
明何古林
五

採蓮曲

采蓮復采蓮采之欲何爲采之意未已欲以遺
所思所思天一方道遠莫致之抱芳鑒白日君
心寧得知

其二

湖上采蓮女朝去暮來歸留花結青子剪葉裁
爲衣采得藕絲連感嘆意多違鳴榔下滄渚愁
見鴛鴦飛

鉛山道中尋舍弟不遇

有弟相迎道相失不知天南與天北吁嗟艱阻
骨肉情愁見鴻雁天邊鳴日來消息知何如臨
風爲汝立斯須

四時吟

風光淡蕩越江濱白李紅桃相映新楊柳青青
芳草綠南堤北陌盡遊人遊人南北知多少攬
勝辜妍自昏曉獨笑樵夫不解遊自在山中聽
啼鳥

其二

芳樹鳴蜩白晝長
碧空杳靄浮珠光
含丹荔子環珠浦
向日葵花映草堂
北窗主人自高臥
愛蓮先生閒獨坐
時對南薰生午涼
靜鼓虞絃相應和

其三

金風落葉雁南歸
蕙葭蒼蒼白露晞
南山叢菊華三徑
楓港蘆花傍釣磯
碧梧自照天山月
草堂閒坐清歌發
所思之人天一方
欲往從之江

水隔

其四

天寒北風日凜冽
歲晏羣芳漸消歇
蒼松翠竹挺高岡
貞心不改四時節
更有梅花開洞裏
冰姿玉蕊堪爲侶
生意獨爲天下先
天道循行自終始

秋思吟贈楊武卿吳克大還闕

秋楓港上風日清
越臺秋色映江城
珠江秋水連天碧
鹿洞花深山鳥鳴
維舟古渡客欲發
把

酒相看待明月嘆息韶光劇流轉昔日紅顏今
白髮衰老知心難別離明朝此去卽天涯留君
更酌山中酒欲爲後會知何時知何時嘆別離
天山洞裏長相思

莫春行

君不見陌上依依楊柳新轉眼相看成暮春又
不見歲月催人若流水日夜東奔不復止昔日
少年今白頭人間萬事俱悠悠相逢有酒且盡
醉何用隨人懷百憂

山中獨酌

山中有酒時一斟晚對芳林春意深垂虹千尺
下幽壑黃鳥數聲歸遠岑湖月皎皎澹周思松
風瑟瑟鳴回琴相思寂寞餘千載悠然空見古
人心古人不見誰知音獨步春山空自吟

丁未除夕

舊學愧蹉跎浮光冉冉過爆聲驚歲盡漏刻轉
春和禹惜嗟無及遽非覺已多青時不易得吾
道竟如何

其二

虛窗坐不寐起視夜何其斗柄遙東指梅花發
故枝寒隨更漏盡春入草堂知感激平生志殷
勤正及時

登南華象巖臺

春日多佳興同登象巖臺路緣松澗入詩向鳥
聲催共說仙踪杳應知客夢回山僧閒詫笑何
事未歸來

秋郊喜稼

出郭逢田父懽然慰我情自言頻歲苦長望此
秋成蕤蕤甫田秀芄芃膏雨明征輸雖轉急猶
復得聊生

雨中

樵宿正岑寂况兼雲霧深鶯聲愁雨裏樹色暗
山陰倚榻憑誰語閉關良自吟詩成情不極千
里故人心

出山

默坐非無事行吟不自禁天邊青鳥下山外白

雲深渺渺乘槎興悠悠愛日心歸來有餘樂倚
棹出山陰

寒菊

叢菊開無賴寒城十月花知無迎賞態祇有傲
霜芽搖落多秋色芳菲獨歲華故園松竹在移
爾合爲家

懷劉素予

舊遊吾憶汝尊酒得相酬萬里滄波隔三年別
意稠青山頻入夢新月正當樓照見相思曲分

明似水流

其二

西望美人遠愁予音問疎世情今率爾宦况近
何如鶴傍花陰靜琴鳴春意舒兩峯時過雁多
寄嶺南書

同鄺五嶺出郭追送峇峯夢菊不及因過
李年丈別業酌咏

經年不出郭今日到橋西萬里聞相別一尊聊
爲携海潮催棹發江樹入雲低日暮片帆遠天

空望欲迷

月下酌別贈陳洛南方伯入京

逸思閒雲外清尊皓月中回看十載別老作一
漁翁梧影澹寒水桂香浮遠風明年何處會能
記此宵同

諸公喜予同飲石川池亭

洛社多時別今來續舊盟芳亭一尊酒故國十
年情空石堪垂釣臨流好濯纓心閒隨所適何
用絆浮名

香山寺晚眺

翠積香山迥烟深草逕迷傍橋尋谷口綠磴躡
招提孤鳥連雲遠平原入望低回瞻雙鳳闕高
峙玉河西

宿正法寺漫興寄鄉中同社諸公

吾愛此逃禪尋僧訪洞天入門機盡息對塔月
孤懸客鬢已雙雪風塵又一年鄉園兵甲後語
罷轉潸然

舟中經嘉桂舊遊諸勝有懷王青蘿

廿載懷良侶同舟深夜行臨流看月色對酌聽
秋聲今昔心交在乾坤世事更干戈塵滿眼感
舊若爲情

其二

故國山川舊登臨異昔時日聞征調苦夜急羽
書馳餓饑仍連歲催輸恐後期憑高情不愜極
目總堪悲

其三

高蹈陶元亮清標鄭子真江山餘故跡花卉宛

相親孤劍投青塚扁舟歷舊津嗟君英爽在何
以濟斯民

九日登昌平城樓

白髮山中老巾車復此遊撫時睇遥宇懷古對
深秋佳賞憐吹帽閒謔謾倚樓笑看滄海遠渺
渺向東流

冬日同朱彥教劉相甫劉元燦諸生登半

雲亭酌咏

白髮閒無事招携峽上遊友生千古意吾道一

孤舟雲靜僧歸洞山空月滿樓探幽情不極隨處是丹丘

聞鶯

清齋閒獨坐深院轉黃鸝恍對栖丘處如聞出谷時嚶嚶隨上下翩翩自差池忽憶同心子悠悠起遠思

劉拱明赴會試數過南莊告別卽席賦贈
鹿嶺亭依竹羊橋水抱村尋芳來谷口覓路扣柴門鳥弄林中調花明野外尊何時探絕勝心

賞遍桃源

人共偶成

未老已成懶無聞負夙心一年春欲盡千古意空深雨長堦前翠涼生竹外陰撫時餘感慨抱膝發孤吟

約麥西田過南莊詩以遲之

十載江村別迢迢隔水洲三山秋望迥中洞曙光浮問訊憑朱鳥清歌起白鷗山陰宜夜興對月倚南樓

歷代詩選 明何古本 十三
送李三洲憲副入楚

江南二月杏花飛，雲夢烟深客路微。
兩疏欲爲彭澤隱，九重那許洞庭歸。
青簾白舫驚湍急，岸柳汀蒲對曉暉。
往事不須憐屈賈，越臺春色滿漁磯。

東山泛舟次王青蘿韻

茫茫天地一虛舟，回首江湖已十秋。
世去義唐人共遠，目窮今古水空流。
寒松鶴老清音在，野寺雲深醉墨留。
乘興相將歸棹穩，月明杯渡不

驚鷗

秋日晚泛用前韻答吳九巖曾裕齋

山陰同泛木蘭舟，江雨新晴送早秋。
萬頃波光成遠眺，一簑風月自中流。
芳尊好景君須醉，塵世浮名誰可留。
閒聽滄浪烟水外，漁竿隨處引沙鷗。

菩提壇待月

清齋飯罷暮鐘時，塔裏傳燈樹影移。
僧在上方秋寂寂，月生東海夜遲遲。
風旛着相心先動，明

鏡非臺性自知却笑黃梅留偈別三更衣鉢使人疑

朝漢臺懷古

朝漢遺踪幾百年望中風物尚依然三城劔戟浮雲外萬里山河落照前漠漠荒臺悲昔夢纍纍古塚入新阡相逢莫話興亡事世上何人聽杜鵑

遊南華寺用東坡韻

南華路口覓多時尚逐塵勞覺已非野寺蒼松

虛鶴夢洞門芳草待人歸傳燈塔裏留僧偈說法堂前有佛衣日暮肩輿獨乘興曇花琪樹正依依

飛來寺

更從此地一維舟直上飛來最上頭犀去已知金鎖寂猿歸空有玉環留寒雲野樹千峯合春水長江萬古流歌罷月明眠碧落此身如覺在瀛洲

郊遊過西禪水亭閒眺

閒過橋西孤草亭坐臨釣石看潮生舊時野寺
無人問隔水空林惟鳥聲珠海東迴蓬島近石
門西遠越臺清琴樽郊外多幽興時對滄浪歌
濯纓

越山晚眺人字韻

洛社憑高發興新越臺秋色正宜人雲含古樹
山城暮潮長平蕪水國春海上兵戈猶未息眼
中時事不堪陳市廛亦有幽栖處谷口應逢鄭
子真

其二

漠漠三城烟水濱登臺秋望倍傷神霸圖故蹟
餘芳草世路西風吹白蘋澤國山河仍似舊炎
方花木易爲春白沙清獻祠鄰近千載流芳啓
後人

冬暮晚眺用韻

三年遙憶故山頭望盡都亭更上樓日暮相思
憑雁信天涯獨立起鄉愁身沾朔雪傷冬盡心
逐寒江傍水流更有梅花晚相向不堪春色倍

離憂

鎮海樓九日

層樓高枕少城隈九日同登漫舉杯
籬菊地偏花獨晚暮雲天遠雁空回
鳥聲閒傍呼鸞道秋色遙憐鐵馬臺
莫向危闌悲往事尊前時節遞相催

五月十一日與諸生鎮海樓講會

層樓縹緲隔烟蘿極目晴空一鳥過
檻外波光清海近尊前山色白雲多
江城漠漠空懷古天

地悠悠此放歌浮世幾能逢勝會
諸君寧忍更蹉跎

早秋同諸生宿海珠夜坐用陽明先生韻

閒雲遠水澹孤清古寺疎鐘報晚晴
樹杪秋聲聞浙瀝波心月色湛虛明
中天靜倚樓臺迥午夜遙看斗柄橫
更與同心期白首草堂寒菊茁霜莖

同李三洲王青蘿遊矩洲用杜牧之韻

矩洲洲上鷓鴣飛此日重遊舊逕微
幽洞尚餘

芳草合閒亭時有野雲歸花深別塢逢新酌雨
過前山淨遠暉撫景不須悲往事且隨春日試
春衣

樾森草堂用杜工部秋興韻

暇日尋幽過樾林翠松蒼竹共森森重門烟鎖
紅塵斷別院鳥啼清晝陰澤國江山千里日故
園樽俎百年心臨風忽憶天涯遠無限秋聲入
藁砧

避暑天山堂

年年避地苦求尋此地幽栖得素心土屋石床
無酷暑高梧疎竹有清陰臨池讀罷看魚躍伐
木歌餘聽鳥音入社不妨河朔飲清狂何用少
陵吟

北江別諸親友

孤舟萬里迅宵征細雨深更寢復興別岸數聲
傳野柝前灣幾點落漁燈非才捧檄成何事多
病匡時愧未能倚枕不勝懷土夢白雲回首已
千層

歷代詩選
卷之六
秋日登南山至陳坑問路出龜峯晚遇雨
還舟

秋日相携上翠微
偶緣溪澗下山扉
松間覓路驚林鳥
石上題詩對晚暉
漠漠水雲遙
忘日霏
霏山雨細沾衣
杖藜更欲尋芳去
且向津頭一詠歸

次前韻荅黃萊軒

綠樹清溪夏日微
武陵烟景亦依稀
雲深巖壑鶯猶囀
風靜林塘花自飛
渭水光涵新釣石
江

門春滿舊簑衣
行吟忽憶黃山谷
却羨來鴻到客扉

元旦次泉翁韻

東風一播萬家春
淑氣融融物象新
海上兵戈聞暫息
里中節序喜相親
清尊竹葉堪娛客
僻地梅花正可人
却憶倒懸蒼赤望
普天何以盡同仁

次鶴舒鄜丈韻

勝裏銀燈燦綺霞
娛賓春思浩無涯
光浮碧落

夜將半影入芳樽月未斜
菜竹可棲雲外鶴碧
苑新放檻前花感時茂對元和會
遍照羣黎百姓家

秋日同諸公白雲山謁白沙祠經鶴舒臺

問安期故址遂登天南第一峯東覽蒲

澗西望江門慨然有懷崔陳二先生賦

此

安期一去已多年此日重臨思惘然
丹竈烟深

今不見鶴臺秋迥尚堪傳黃雲紫水
白沙江門地名

上白石清泉蒲澗邊
用菊坡水調歌頭回首天南人未

遠莫云鄉里不如前

同李可韋錢別劉素予悵然有舊遊之感

計偕予三人同舟

廿年書劍憶同遊此日琴尊共倚樓
松曲承歡

疑舊夢天涯論別起新愁依依楊柳暮
春景渺

渺江波萬里舟世路相逢更何日嶺雲
燕樹思

悠悠

追送高峇峯郭夢菊至大觀還訪李韋堂

酌咏別業

三城相送本無期二仲琴尊漫爾隨日午小舟
依岸曲石橋危閣立江湄名峯海上連雲渺夢
菊天涯入夜思笑向碧山尋太白菴花洞裏一
題詩

小樵樓上會講贈鍾寶潭丈還

依依山色護江城寂寂虛亭芳草生天遠閒雲
隨去雁日長深樹隱啼鶯尊前五老总形話
是日同會者張省齋羅念山檻外千峯入眼明自是
劉素予為五人

無心論去住江門烟水片帆輕

送曾元山還金谿

越南歸去大江西客路迢迢望不迷漸見衡陽
鴻雁影慣聞庾嶺鷓鴣啼江空日照孤帆轉天
遠風迎匹馬嘶道在險夷須自信老來霜劍更
堪携

月下酌別贈惠州葉張李塗諸友用白沙

先生韻

中天明月古猶今對月當歌酒共斟天地百年

歷代詩選 卷之三
堪此會江山回首幾同心羣居不可徒終日老
去方知惜寸陰悵望越臺秋色遠新詩難寫別
情深
和答曹沙溪郡伯

天涯客夢驚愁起疑聽寒山夜半鐘十縣未甯
蒼赤望一齋空寄長官慵時艱自昔多遺逸直
道從前少見容深院鳥啼春寂寂獨憐遊子思
重重

無心
答鄺鶴舒

浮生擾擾歲復暮已見春花紛相妍自笑老來
慵對客却從閒處學逃禪尊前白髮青燈坐海
上孤琴一夢懸欲訪安期舊遊處與君雲鶴共
扳緣

又和念山多字韻

夏日閒亭偶一過晚風涼雨度池荷天邊去雁
生遙思樹底流鶯和醉歌綠在草堂經歲月翠
深花徑隔烟籠漢王臺上空回首一片閒雲與
仲多

五月四日承同社諸知己預請予偕少子
同泛南湖時連日夜甚雨不休難以跬

步予辭之諸知己諸已具茶果饑候于

烏羊江濟矣予飯罷即携序兒巾車同

行出門霽色晴和陰霾頓釋至則鼓吹

喧迎舟人告潮上遂發棹容與洲渚時

湖裏諸鄉龍舟競渡錦標奪目款乃盈

耳賓主老少合歡道舊把酒賦詩亦滄

洲勝事也晚歸口占叙謝

扁舟同泛越江湄偶對龍標競綵時環浦綠荷
珠映水臨堤丹荔錦連枝雨晴簾捲清風入日
照帆開淑景移杜曲年來多勝事武陵深處好
題詩

村居懷關紫雲書戲諸丈

南望迢迢見紫雲音書兩月不相聞江村幽竹
青無數時對芳尊一問君

伏虎臺感懷

伏虎臺前逢暮春夕陽遊客倍傷神山樓寂寂

空啼鳥雲樹依依不見人
宮詹黃泰泉作釣舟詩惠教次韻答之

江村漁父枕漁簑臥聽滄浪孺子歌一曲未終
江月白好懷偏對水雲多

紫雲樓夜雨懷舊遊諸友

夜坐譙西百尺樓忽驚風雨起春愁十年回首
論心地寂寞寒燈數舊遊

孤舟獨坐對秋清水月閒看憶友生夜半相思

人不至可憐漁笛隔溪聲

山中喜劉珠江過訪

山中雲臥心無事洞裏烟深客到稀今日逢君
須一醉海天空闊有漁磯

寒食大塘山中感賦

寒食山中又一年隴頭惟見草芊芊停車小憇
松陰下獨聽流鶯思黯然

南山雨中閒眺

南山獨步思依依雨裏山深入望微晚霽雲開

南山獨步思依依雨裏山深入望微晚霽雲開

南山獨步思依依雨裏山深入望微晚霽雲開

天宇淨蕪葭秋水雁孤飛

荅劉丈

憶泊吳江聽玉簫
相看楊柳鬪纖腰
姑蘇臺上

春宵飲獨立寒亭
步石橋
嘉靖壬辰履端次夕
維舟姑蘇夜酌下江

亭者九人時有來携燈導
而趨者予獨步江橋俟之

石倉十二代詩選

四集卷六十三 終

卷之四

